



文翰類選大成卷第二十五言古詩目錄

漢

古詩十九首

蘇子卿四首

李少卿三首

酈文勝二首

班姬一首

魏

文帝二首

曹子建七首

王仲宣十首

劉公幹九首

繆熙伯一首

應德璉一首

應休璉一首

阮嗣宗四首

傅休奕一首

左太冲十首

傅長虞一首

張茂先三首

何敬祖一首

王正長一首

司馬紹統一首

郭泰機一首

棗道彥一首

張季鷹一首



潘安仁八首

陸士衡四首

陸士龍三首

張孟陽一首

張景陽七首



孫子荆一首 歐陽堅石一首 潘正外一首 劉越石一首

盧子諒三首 郭景純五首 謝朓源一首 王康琚一首

曹顏遠二首 陶淵明四首

宋

謝靈運四首 謝宣遠五首 劉休玄二首 謝惠連五首

顏延年三首 范蔚宗一首 王僧達二首 袁陽源二首

鮑明遠九首 王景玄一首

齊

陸韓卿五首 謝玄暉十九首 范彥龍三首 江文通七首

梁

沈休文十二首 任彦昇二首 丘希範二首 徐敬業一首

虞子陽一首 目錄終

文翰類選大成卷第二十二

左長史上海李伯璵編輯 伴 讀慈谿馮 厚校正

詩類 五言古詩

漢

古詩十九首

行行重行行與君生別離相去萬餘里各在天一涯道路阻且長會面安可知胡馬依北風越鳥巢南枝相去日已遠衣帶日已緩浮雲蔽白日遊子不顧返思君令人老歲月忽已晚棄捐勿復道努力加餐飯

青青河畔草鬱鬱園中柳盈盈樓上女皎皎當窻牖娥娥紅粉粧纖纖出素手昔為倡家女今為蕩子婦蕩子行不歸空

林難獨守

青青陵上柏磊磊澗中石人生天地間忽如遠行客斗酒相  
娛樂聊厚不為薄驅車策駑馬游戲宛與洛洛中何鬱鬱冠  
帶自相索長衢羅夾巷王侯多第宅兩宮遙相望雙闕百餘  
尺極宴娛心意戚戚何所迫

今日良宴會歡樂難具陳彈箏奮逸響新聲妙入神今德唱  
高言識曲聽其真齊心同所願含意俱未伸人生寄一世奄  
忽若飈塵何不策高足先據要路津無為守窮賤軼軻長苦  
辛

西北有高樓上與浮雲齊交疏結綺窻阿閣三重階上有絃  
歌聲音響一何悲誰能為此曲無乃杞梁妻清商隨風發中  
曲正徘徊一彈再三歎慷慨有餘哀不惜歌者苦但傷知音

稀為雙鳴鶴奮翅起高飛

涉江采芙蓉澤多芳草采之欲遺誰所思在遠道還顧望  
舊鄉路漫漫浩浩同心而離居憂傷以終老

明月皎夜光促織鳴東壁玉衡指孟冬衆星何歷歷白露霑  
野草時節忽復易秋蟬鳴樹間玄鳥逝安適昔我同門友高  
舉振六翮不念携手好棄我如遺跡南箕北有斗牽牛不負  
輓良無磐石固虛名復何益

冉冉孤生竹結根泰山阿與君為新婚光絲附女蘿兔絲生  
有時夫婦會有宜千里遠結婚悠悠隔山陂思君令人老軒  
車木河違傷彼蕙蘭花含英揚光輝過時而不采將隨秋草  
萎君亮執高節賤妾亦何為

庭中有奇樹綠葉發華滋攀條折其榮將以遺所思馨香盈

懷袖路遠莫致之此物何足貴但感別經時

迢迢牽牛星皎皎河漢女織織擢素手札札弄機杼終日不成章泣涕零如雨河漢清且淺相去復幾許盈盈一水間脉脉不得語

迴車駕言邁悠悠涉長道四顧何茫茫東風搖百草所遇無故物焉得不速老盛衰各有時立身苦不早人生非金石豈能長壽考奄忽隨物化榮名以為寶

東城高且長逶迤自相屬回風動地起秋草萋已綠四時更變化歲暮一何速晨風懷苦心蟋蟀傷局促蕩滌放情志何為自結束燕趙多佳人美者顏如玉被服羅裳衣當戶理清曲音響一何悲絃急知柱促馳情整巾帶沉吟聊躑躅思為

雙飛燕銜泥巢君屋

驅車上東門遙望郭北墓白楊何蕭蕭松柏夾廣路下有陳死人杳杳即長暮潛寐黃泉下千載永不寤浩浩陰陽移年命如朝露人生忽如寄壽無金石固萬歲更相送聖賢莫能度服食求神仙多為藥所誤不如飲美酒被服紈與素

去者日以踈來者日以親出郭門直視但見丘與墳古墓犁為田松柏摧為薪白楊多悲風蕭蕭愁殺人思還故里閭欲歸道無因

生年不滿百常懷千歲憂晝短苦夜長何不秉燭遊為樂當及時何能待來茲愚者愛惜費但為後人嗤仙人王子喬難可與等期

凜凜歲云暮蟪蛄夕鳴悲涼風率已厲遊子寒無衣錦衾遺洛浦同抱與我違獨宿累長夜夢想見容輝良人惟古歡枉

駕惠前綏願得常巧咲携手同車歸既來不須更又不處重  
闇亮無晨風翼焉能凌風飛眄睐以適意引領遙相瞻徙倚  
懷感傷垂涕沾雙扉

孟冬寒氣至北風何慘慄愁多知夜長仰觀衆星列三五明  
月滿四五蟾兔缺客從遠方來遺我一書札上言長相思下  
言久離別置書懷袖中三歲字不滅一心抱區區懼君不識  
察

客從遠方來遺我一端綺相去萬餘里故人心尚爾文彩雙  
鴛鴦裁為合歡被著以長相思緣以結不解以膠投漆中誰  
能別離此

明月何皎皎照我羅牀帷憂愁不能寐攬衣起徘徊客行雖  
云樂不如早旋歸出戶獨彷徨愁思當告誰引領還入房淚

下沾裳衣

蘇子卿

蘇子卿

名武京兆人典屬國

骨肉緣枝葉結交亦相因四海皆兄弟誰為行路人况我連  
枝樹與子同一身昔為鴛鴦今為參與辰昔者常相近邈  
若胡與秦惟念當離別思情日以新鹿鳴思野草可以喻嘉  
賓我有一尊酒欲以贈遠人願子留斟酌叙此平生親  
結髮為夫妻恩愛兩不疑歡娛在今夕燕婉及良時征夫懷  
往路起視夜何其參辰皆已沒去去從此辭行役在戰場相  
見未有期握手一長歎淚為生別淚努力愛春華莫忘歡樂  
時生當復來歸死當長相思

黃鶴一遠別千里顧徘徊胡馬失其群思心常依依何况雙  
飛龍羽翼臨當乖幸有絃歌曲可以喻中懷請為遊子吟吟

冷一何悲絲竹厲清聲慷慨有餘哀長歌正激烈中心愴以  
摧欲展清商曲念子不得歸俛仰內傷心淚下不可揮願為  
雙黃鵠送子俱遠飛

燭燭晨明月馥馥秋蘭芳芬馨長夜發隨風聞我堂征夫懷  
遠路遊子戀故鄉寒冬十二月晨起踐嚴霜俯觀江漢流仰  
視浮雲翔良友遠別離各在天一方山海隔中州相去悠且  
長嘉會難再遇歡樂殊未央願言崇令德隨時愛景光

與蘇武三首

李少卿名陵龐西成紀人為騎都尉

良時不再至離別在頃臯屏營衢路側執手野踟躕仰視浮  
雲馳奄忽互相踰風波一失所各在天一隅長當從此別且  
復立斯頃欲因晨風發送子以賤軀  
攜手上河梁遊子暮何之徘徊踈路側恨恨不能辭行人難

久留各言長相思安知非日月弦望自有時努力崇明德皓  
首以為期

嘉會難再遇三載為千秋臨河濯長纓念子悵悠々遠望悲  
風至對酒不能酬行人懷往路何以慰我愁獨有盈觴酒與  
子結綢繆

詩二首

酈文勝名炎范陽人應食其之後也

大道夷且長窘路狹且促脩翼無卑栖遠趾不步局舒吾凌  
霄羽奮此千里足超邁絕塵驅倏忽誰能逐賢愚言常類稟  
性在清濁富貴有人籍貧賤無天錄通塞苟由已志士不相  
卜陳平敖里社韓信釣河曲終居天下宰食此萬鍾祿德音  
流千載功名重山嶽  
靈芝生河洲動搖因洪波蘭茝一何晚嚴霜瘁其柯哀哉二

芳草不植太山阿  
文質道所貴  
遭時用有嘉  
絳灌臨衡宰  
謂  
誼崇浮華賢  
才抑不用遠  
投荆南沙  
袍玉乘龍驥  
不逢樂與  
和安得孔仲尼  
為世陳四科

漢宮怨

班姬

新裂齊紈素  
皎潔如霜雪  
裁為合歡扇  
團團似明月  
出入君  
懷袖動搖微  
風發常恐秋  
簞至涼飈  
奪炎熱棄捐  
篋箠中恩  
情中道絕

魏

雜詩二首

文帝

漫：秋夜長烈烈  
北風涼展轉  
不能寐披衣  
起彷徨徬徨  
忽已久白露  
沾我裳俯視  
清渭水波仰  
看明月光天  
漢口西流三  
五正縱橫草  
蟲鳴何悲孤  
雁獨南翔鬱  
鬱多悲思綿  
綿思故

鄉願飛安得翼  
欲濟河無梁  
向風長歎息  
斷絕我中腸  
西北有浮雲  
亭亭如車蓋  
惜哉時不遇  
適與飄風會  
吹我東南行  
行至吳會吳  
會非我鄉安  
能久留滯弃  
置勿復陳客  
子常畏人

公燕詩

曹子建

公子敬愛客  
終宴不知疲  
清夜游西園  
園飛蓋相追  
隨明月澄  
清景列宿正  
參差秋蘭被  
長坂朱華冒  
綠池潛魚躍  
清波如  
鳥鳴高枝神  
飈接丹穀輕  
輦隨風移飄  
飄故志意千  
秋長若  
斯

三良詩

功名不可為  
忠義我所愛  
秦穆先下世  
三良皆自殘  
生時等  
榮樂既沒同  
憂患誰言捐  
軀易殺身誠  
獨難攬涕登  
君墓臨



文仲夫數長夜何冥冥一往不復還黃鳥為悲鳴哀哉傷肺

七哀詩

明月照高樓流光正徘徊上有愁思婦悲歎有餘哀借問歎者誰言是宕子妻君行踰十年孤妾常獨栖君若清路塵妾若濁水泥浮沉各異勢會合何時諧願為西南風長逝入君懷君懷良不開賤妾當何依

送應氏

清時難屢得嘉會不可常天地無終極人命若朝霜願得喪媿婉我友之朔方親昵並集送置酒此河陽中饋豈獨薄賓歛不盡觴愛至望苦深豈不愧中腸山川阻且遠別促會日長願為比翼鳥施翮起其翔

贈徐幹

驚風飄白日忽然歸西山圓景光未滿眾星聚以繁志士榮世業小人亦不閒聊且夜行遊遊波雙闕間文昌鬱雲興幽風高中天春鳩鳴飛棟流焱激孺軒顧念蓬室士貧賤誠可憐薇藿弗充虛皮褐猶不全慷慨有悲心興文自成篇寶棄怨何人和氏有且瑟彈冠侯知己知己誰不然良田無晚歲膏澤多豐年亮懷璵璠美積久德愈宣親交義在敦申章復何言

贈丁儀

初秋涼氣發庭樹微銷落凝霜依玉除清風飄飛閣朝雲不歸山霖雨成川澤叅稷委疇隴農夫安所獲在貴多忘賤為恩誰能博孤白足禦冬安念無衣客思慕延陵子寶劍非所

惜子其寧爾心親交義不薄

贈王祭

端坐苦愁思攬衣起西遊樹木發春華清池激長流中有孤  
鴛鴦哀鳴求匹儔我願執此鳥惜哉無輕舟欲歸忘故道願  
望但懷愁悲風鳴我側義和逝不留重陰潤萬物何懼澤不  
周誰令君多念自使懷百憂

贈丁翼

嘉賓填城闕豐膳出中厨吾與二三子曲宴此城隅秦箏發  
西氣齊瑟揚東謳肴來不虛歸觴至反無餘我豈狎異人朋  
友與我俱大國多良材譬海出明珠君子義休侍小人德無  
儲積善有餘慶榮枯立可湏滔蕩固大節時俗多所拘君子  
進大道無願為世儒

贈白馬王彪七首

謁帝承明廬逝將歸舊疆清晨發皇邑日夕過首陽伊洛廣  
且深欲濟川無梁汎舟越洪濤怨彼東路長顧瞻綠城闕引  
領情內傷

大谷何廖廓山樹鬱蒼蒼霖雨泥我塗流潦浩縱橫中塗絕  
無軌改轍登高岡脩坂造雲日我馬玄以黃

玄黃猶能進我思鬱以紆鬱紆將何念親愛在離居本旨相  
與偕中更不克俱鳴臬鳴衡軛豺狼當路衢蒼蠅間白黑讒  
巧令親踈欲還絕無蹊攬轡上踟蹰

踟蹰亦何留相思無終極秋風發微涼寒蟬鳴我側原野何  
蕭條白日忽西匿歸鳥赴喬林翩翩厲羽翼孤獸走索群街  
草不遑食感物傷我懷撫心長太息

太息將可為天命與我違奈何念同生一往形不歸孤魂翔  
故域靈柩寄京師存者忽已過亡歿身自衰人生處一世去  
若朝露晞年在桑榆間影響不能追自顧非金石咄嗟令心  
悲  
心悲動我神弃置莫復陳丈夫志四海萬里猶比鄰恩愛苟  
不虧在遠分日親何必同衾幃然後展殷勤憂思成疾疢無  
乃兒女仁倉卒骨肉情能不懷苦辛  
苦辛何慮思天命信可疑虛無求列仙松子久吾欺變故在  
須臾百年誰能持離別永無會執手將何時王其愛玉體俱  
享黃髮期收淚即長路援筆從此辭

雜詩六首

高臺多悲風朝日照北林之子在萬里江湖洄且深方舟安

可極離思故難任孤鴈飛南游過庭長哀吟翹思慕遠人願  
欲託遺音形影忽不見翩翩傷我心

轉蓬離本根飄飄隨長風何意回飈舉吹我入雲中高高上  
無極天路安可窮類此游客子捐軀遠從戎毛褐不掩形微藿  
常不充去去莫復道沉憂令人老

西北有織婦綺縠何繽紛明晨秉機杼日吳不成文太息終  
長夜悲傭入青雲妾身守空閨良人行從軍自期三年歸今  
已歷九春飛鳥遶樹翔嗷嗷鳴索群願為南流景馳光見我  
君

南國有佳人容華若桃李朝游江北岸日夕宿湘沚時俗薄  
朱顏誰為發皓齒俛仰歲將暮榮耀難久恃

僕夫早嚴駕吾將遠行遊遠遊欲何之吳國為我仇將騁萬

里塗東路安足由江介多悲風淮泗馳急流願欲一輕濟惜  
哉無方舟閒居非吾志甘心赴國憂  
飛觀百餘尺臨牖御檻軒遠望周千里朝文見平原烈士多  
悲心小人媮自閑國讐亮不塞甘心思喪元拊劍西南望思  
欲赴太山絃急悲聲發聆我慷慨言

又贈丁儀王粲

從軍度函谷驅馬過西京山岑高無極涇渭揚濁清社哉帝  
王居住履殊百城負闕出浮雲承露繁泰清皇佐揚天惠四  
海無交兵權家雖愛勝全國為令名君子在末位不能歌德  
聲丁生然在朝王子歡自營歡然非貞則中和誠可經

美女篇

美女妖且閑采桑岐路間柔條紛冉冉葉落何翩翩攘袖見

素手皓腕約金環頭上金爵釵腰佩翠琅玕明珠交玉體  
胡問木難羅衣何飄飄輕裾隨風飄顧盼遺光彩長嘯氣若  
蘭行徒用息駕休者以忘餐借問女安居乃在城南端青樓  
臨大路高門結重關容華耀朝日誰不希令顏媒氏何所營  
玉帛下時安佳人慕高義求賢良獨難衆人徒教教安知彼  
所觀盛年處房室中夜起長歎

名都篇

名都多妖女京洛出少年寶劍直千金被服麗且鮮鬪雞東  
郊道走馬長楸間馳馳未能半雙兔過我前攬弓捷鳴鏑長  
驅上南山左挽因右發一縱兩禽連餘巧未及展仰手接飛  
鳶觀者咸稱善衆工歸我妍歸來宴平樂美酒斗十千膾鯉  
臠胎鰓炮鼈炙熊蹯鳴傳蕭匹侶列坐竟長筵連翩擊鞠壤

巧捷惟萬端白日西南馳光景不可攀雲散還城邑清晨復  
來遠

七步詩

莫言燃豆箕豆在釜中泣本是同根生相煎何太急

情詩

微陰翳陽景清風飄我衣游魚潛綠水翔鳥薄天飛眇眇客  
行士遙役不得歸始出嚴霜結今來白露晞游子歎黍離處  
者歌式微慷慨對嘉賓懷愴內傷悲

浮萍篇

浮萍寄清水隨風東西流結髮辭嚴親來為君子仇恪勤在  
朝夕無端獲罪尤在昔蒙恩惠和樂如瑟琴何意今摧頹曠  
若商與參榮華自有芳不若桂與蘭新人雖可愛無若故

舊行雲有反期君恩倘中還慊慊似天歎愁心將何想日月  
不恒處人生忽若寓悲風來入懷淚下如垂露發篋造衣裳  
裁縫紉與素

公讌詩

王仲宣

昊天降豐澤百卉挺葳蕤涼風撤菴暑清雲却炎暉高會君  
子堂並坐蔭華煖嘉肴充圓方旨酒盈金罍管絃發徽音曲  
度清且悲合坐同所樂但愬孟行遲常聞詩人語不醉且無  
歸今日不極歡含情欲待誰見眷良不翅守分豈能違古人  
有遺言君子福所綏願我賢主人與天享巍巍克符周公業  
奕世不可追

詠史

自古無殉死達人所共知秦穆殺三良惜哉空爾為結髮事

明君受恩良不訾臨沒要之死焉得不相隨妻子當門泣死  
弟哭路垂臨穴呼蒼天淅下如縷縻人生各有志終不為此  
移同知埋身劇心亦有所施生為首夫雄死為壯士規黃鳥  
作哀詩至今聲不虧

七哀詩二首

西京亂無象豺虎方遘患復奔中國去委身適荆蠻親戚對  
我悲朋友相追攀出門無所見白骨蔽平原路有飢婦人抱  
子奔草間顧聞號泣聲揮涕獨不還未知身死處何能兩相  
完驅馬奔之去不忍聽此言南登霸陵岸回首望長安悟彼  
下泉人喟然傷心肝

荆蠻非我鄉何為久滯淫方得游大江日暮愁我心山間有  
餘暎巖阿增重陰孤狸馳赴穴飛鳥却故林流波激清響猿  
猿臨岸吟迅風拂裳袂白露沾衣襟獨夜不能寐榻衣起撫  
琴絲桐感人情為我發悲音羈旅無終極憂思杜難任

從軍詩五首

從軍有苦樂但問所從誰所從神且武焉得久勞師相公征  
關右赫怒震天威一舉滅獯虜再舉服羌夷西收邊地賊忽  
若俯拾遺陳賞越丘山酒肉踰川城軍中多餼饒人馬皆溢  
肥徒行兼棄還空出有餘資拓地三千里往還速如飛歌舞  
入鄴城所願獲無違晝日處大朝日暮薄言歸外參時明政  
內不廢家私禽獸憚為犧良苗實已揮竊慕負鼎翁願厲朽  
銳姿不能效沮溺相隨把鋤犁熟覽夫子詩信知所言非  
涼風厲秋節司典告詳刑我君順時發柘東南征汎舟蓋  
長川陳卒被隰坳征夫懷親戚誰能無戀情拊衿倚舟檣眷

春思鄴城哀彼東山人喟然感鶴鳴日月不安處人誰獲  
寧昔人從公旦一祖軌三齡今我神武師暫往必速平  
余親睦恩輸力竭忠貞懼無一夫用報我素餐誠夙夜  
自忤性思逝若抽縈將秉先登羽豈敢聽金聲

從軍征遐路討彼東南夷方舟順廣川薄暮未安坻  
白日半西山桑梓有餘暉蟋蟀夾岸鳴孤鳥翩翩飛  
征夫心多悽悽愴令吾悲下船登高防草露霑我衣  
迴身赴牀寢此愁當告誰身服干戈事豈得忘所私  
即戎有授命茲理不可違

朝發鄴都橋暮濟白馬津道遙河隄上左右望我君  
連舫踰萬艘帶甲十萬人率彼東南路將定一舉勲  
籌策運惟慳一由我聖君恨我無時謀譬諸具官臣  
鞠躬中堅內微畫無所陳許歷為完士一言猶貶秦  
我有素餐責誠愧伐檀人雖無

鈔刀用庶幾奮薄身

悠悠涉荒路靡靡我心愁四望無煙火但見林與丘  
城郭生榛棘蹊徑無所由薤蒲竟廣澤葭菼夾長流  
日夕涼風發翩翻漂吾舟寒蟬在樹鳴鶴鳴摩天游  
客子多悲傷淚下不可收朝入譙郡界曠然消人憂  
雞鳴達四境黍稷盈原疇館宅充鄴里士女滿莊  
廬自非賢聖國誰能享斯休詩入美樂土雖客猶願留

雜詩

日暮遊西園冀寫憂思情曲池楊素波列樹敷丹榮  
上有特栖鳥懷春向我鳴寒衽欲從之路險不得征  
徘徊不能去佇立望爾形風颺揚塵起白日忽已冥  
回身入空房託夢通精誠人欲天不違何懼不合并

贈五官中郎將四首

劉公幹名禎東平人為五官掾

昔我從元后整駕至南鄉過彼豐沛都與君共翔翔四節相  
推斥季冬風且涼衆賓會廣座明燈燿炎光清歌製妙聲萬  
舞在中堂金罍含甘醴羽觴行無方長夜忘歸來聊且為大  
康四牡向路馳歡悅誠未央

余嬰沉痾疾竄身清漳濱自夏涉玄冬彌曠十餘旬常恐游  
岱宗不復見故人所親一何篤步趾慰我身清談同日月情  
眇敘憂勤便復為別辭游車歸西隣素葉隨風起廣路揚埃  
塵逝者如流水哀此遂離分追問何時會要我以陽春望慕  
結不解貽爾新詩文勉哉脩令德北面自寵珍

秋日多悲懷感慨以長歎終夜不遑寐敘意於濡翰明登曜  
關中清風凄已寒白露塗前庭應門重其關四鄰相  
月忽欲彈壯士遠出征戎事將獨難涕泣灑衣裳能不懷所  
歡

涼風吹沙礫霜氣何皚皚明月照緹幕華燈散炎輝賦詩連  
篇章極夜不知歸君侯多壯思文雅縱橫飛小臣信頑魯佞  
俛安能追

贈徐幹

劉公幹

誰謂相去遠隔此西掖垣拘限清切禁中情無由宣思子沉  
心由長歎不能言起坐失次第一日三四遷步出北寺門遙  
望西苑園細柳夾道生方塘含清源輕葉隨風轉飛鳥何翻  
翻垂人易感動涕下與衿連仰視白日光皦皦高且懸兼燭  
八絃內物類無煩偏我獨抱深感不得與比焉

贈從弟三首

劉公幹



汎汎東流水磷磷水中石蘋藻生其涯華葉紛擾溺采之薦  
宗廟可以羞嘉客豈無園中葵懿此出深澤  
亭真山上松瑟瑟谷中風風聲一何盛松枝一何勁冰霜正  
慘淒終歲常端正豈不雅疑寒松栢有本性  
鳳皇集南嶽徘徊孤竹根於心有不厭奮翅凌紫氣豈不常  
勤苦羞與黃雀群何時當來儀將須聖明君

雜詩

職事相填委文墨紛消散馳翰未暇食日昃不知晏沉迷簿  
領書回回自昏亂釋此出西城登高且遊觀方塘含白水中  
有鳧與鴈安得肅肅羽從爾浮波瀾

挽歌詩

繆熙伯

主時遊國都死沒弃中野朝發高堂上暮宿黃泉六白日入  
虞淵懸車息駟馬造化雖神明安能復存我形容稍歇滅齒  
髮行當墮自古皆有然誰能離此者

侍五官中郎將建章臺集

應德璉

名璉汝南人五官中郎將文學

朝鴈鳴雲中音響一何哀問子遊何鄉戢翼正徘徊言我塞  
門來將就衡陽栖往春翔北土今冬客南淮遠行蒙霜雪毛  
羽日摧頽常恐傷肌骨身隕沉黃泥簡珠墮沙石何能中自  
諧欲因雲雨會濯翼陵高梯良遇不可值冲眉路何階公子  
敬愛客樂飲不知疲和顏既已暢乃肯顧細微贈詩是存慰  
小子非所宜且為極歡情不醉其無歸凡百敬爾位以副飢  
渴懷

百一詩

應休璉

名璉汝南人散騎侍郎

下流不可處君子慎厥初名高不宿著易月受侵誣前者墮

官去有人道我問田家無所有酌醴焚枯魚問我何功德三  
入承明廬所以占此土是謂仁智居文章不經國篴篥無尺  
書用等稱才學往往見歎譽避席跪自陳賤子實空虛宋人  
遇周客慙愧靡所如

晉

詠歌

阮嗣宗

名籍陳留尉氏人步兵校尉

夜中不能寐起坐彈鳴琴薄帷鑑明月清風吹我衿孤鴻號  
外野朔鳥鳴北林徘徊將何見憂思獨傷心

天馬出西北由來從東道春秋非有託富貴焉常保清露被  
皋蘭疑霜露野草朝為媚少年文暮成醜老自非王子晉誰  
能常美好

昔聞東陵瓜近在青門外連軫距阡陌子母相鉤帶五色曜

知莫備也

贈張華

何敬祖

名劭陳國人尚書左僕射

四時更代謝懸象迭卷舒暮春忽復來和風與節俱俯臨清  
泉涌仰觀嘉禾敷周旋我陋圃西瞻廣武廬既貴不忘儉處  
有能存無鎮俗在簡約樹塞焉足攀在昔同班司今者並園  
墟私願偕黃髮逍遙綜琴書舉爵茂陰下堆芳羊共躊躇奚用  
遺形骸忘筌在得魚

雜詩

王正長

名護義陽人散騎侍郎

朔風動秋草邊馬有歸心胡寧有分析靡靡忽至今王事離  
我志殊隔過商參昔往鶴鷓鳴今來蟋蟀吟人情懷舊鄉客  
鳥思故林師消久不奏誰能宣我心

贈山濤

司馬紹統

名彪高陽王睦之長子散騎侍郎

若若倚桐樹寄生於南嶽上凌青雲霓下臨千仞六處身孤  
且危於何託余足昔也植朝陽傾枝俟鸞鷲今者絕世用控  
僂見迫東班匪不我顧牙曠不我錄焉得成瑟琴何由揚妙  
曲舟舟三光馳逝者一何速中夜不能寐撫劍起躑躅感彼  
孔聖歎哀此年命促下和潛幽冥誰能證奇璞冀願神龍采  
揚光以見燭

荅傅咸 郭泰機 河南人

皎皎已素絲織為寒女衣寒女雖妙巧不得秉杼機天寒知  
遲速况復鴈南飛衣工棄刀尺棄我忽若遺人不取諸身世  
事焉所希况復已朝餐焉由知我飢

雜詩

東道亭名甚 魏川人尚書郎中庶子

吳冠未吟滅亂象侵遺種天十命上宰作當于漢陽開國建

無卿相與寥寥空宇內所講在玄虛言論准宣尼詞賦擬相  
知悠悠百世後英名擅八區

皓天舒白日靈景耀神州列宅紫宮裏飛宇若雲浮峨峨高  
內內藹藹皆王侯自非攀龍客何為歛來遊被褐出閭闔高  
步追許由振衣千仞岡濯足萬里流

荆軻飲燕市酒酣氣益震哀歌和漸離謂若傍無人雖無壯  
士資與世亦殊倫高盼邈四海豪右何足陳貴者雖自貴視  
之若埃塵賤者雖自賤重之若千鈞

習習龍中鳥舉翮觸四隅落落窮巷十抱影守空廬出門無  
通路枳棘塞中塗計策弃不收塊若枯池魚外望無寸祿內  
頤無斗儲親戚還相蔑朋友日夜踈蘇秦北遊說李斯西上  
書俛仰生榮華咄嗟復凋枯飲河期滿腹貴足不願餘巢林栖

一技可為達士模

招隱二首

杖策招隱士荒塗橫古今巖穴無結構丘中有鳴琴白雪停  
陰洞丹葩耀陽林石泉漱瓊瑤纖鱗或浮沉非必絲與竹山  
水有清音何事待笑歌灌木自悲吟秋菊蕪餼糧幽蘭間重襟  
躑躅足力煩聊欲投吾簪

經始東山廬果下自成榛前有寒泉井聊可瑩心神峭嶺青  
葱間竹栢得其真弱葉棲霜雪  
津爵服無常玩好惡  
有壘伸結綬生纏牽彈冠去垢  
吾屈首陽非吾仁  
相與觀所向道遙極良辰

雜詩

秋風何冽冽白露為朝霜柔條亘旦夕勁綠亦已黃  
雲崖噉噉流素光披軒臨前庭噉噉晨鴈翔高志局四海塊  
然守空堂壯齒不恒居歲暮常慨慷

贈何劭王濟

傅長虞

日月光太清列宿曜紫微赫赫大晉朝明明關皇闈吾兄既  
鳳翔王子亦龍飛雙鸞游蘭渚二離揚清暉攜手升玉階並  
坐侍丹帷金璫綴惠文煌煌發令姿斯榮非攸庶縉綬情所  
希豈不企高蹤麟趾邈難追臨川靡芳餌何為守空坻擣葉  
待風飄遊將與君違違君能無戀口素當言歸歸身逢革廬  
樂道以忘飢進則無玄補退則恤其私但願隆弘美王度日  
清夷

答何劭

張茂先

吏道何其迫窘然坐自拘纓綬為微纒文憲焉可踰恬曠苦

不足煩促每有餘良朋貽新詩示我以遊娛穆如灑清風爽  
若春華敷自昔同寮家於今比園廬衰疾近辱殆庶幾並懸  
輿散髮重陰下抱杖臨清渠屬耳聽鷺鳴流目翫鯉魚從容  
養餘日取樂於桑榆

雜詩

晷度隨天運四時互相承東壁正昏中固陰寒節升繁霜降  
當夕悲風中夜興朱火青無光蘭膏坐自疑重衾無暖氣挾  
纒如懷冰伏枕終遙昔寤言莫予應永思慮崇替慨然獨拊  
膺

情詩

遊目四野外逍遙獨延佇蘭蕙緣清渠繁華陰綠渚佳人不在  
茲取比欲誰與巢居知風寒穴處識陰雨不曾遠別難安

朝日嘉賓四面會膏火自煎熬多財為患害布衣可終身寤  
祿豈足賴

步出上東門北望首陽岑下有采薇士上有嘉樹林良辰在  
何許凝霜霑衣襟寒風振山岡玄雲起重陰鳴鴈飛南征鷓  
鴒發哀音素質游商聲悽愴傷我心

雜詩

傅休奕

志士惜日短愁人知夜長攝衣步前庭仰觀南鴈翔玄景隨  
形運流響歸空房清風何飄颻微月出西方繁星依青天列  
宿自成行蟬鳴高樹間野鳥號東廂纖雲時髣髴渥露霑我  
裳良時無停景北斗忽低昂常恐寒節至凝氣結為霜落葉  
隨風摧一絕如流光

詠史七首

左太冲

文獻類選卷二十一  
十六  
弱冠弄柔翰卓犖觀群書著論准過秦作賦擬子虛邊城苦  
鳴鏑羽檄飛京都雖非甲冑士疇昔覽穰苴長嘯激清風志  
苦無東吳鈔刀貴一割夢想騁良圖左眄澄江湘右盼定羗  
胡功成不受爵長揖歸田廬

鬱鬱澗底松離離山上苗以彼徑寸莖蔭此百尺條世胄躡  
高位英俊沉下僚地勢使之然由来非一朝金張藉舊業七  
葉珥漢貂馮公豈不偉白首不見招

吾希段干木偃息藩魏君吾慕魯仲連談笑却秦軍當世貴  
不羈遭難能解紛功成耻受賞高節卓不群臨組不肯緹對  
珪寧肯分連璽耀前庭比之猶浮雲

濟濟京城內赫赫王侯居冠蓋蔭四術朱輪竟長衢朝集金  
張館暮宿許史廬南隣擊鐘磬北里吹笙竽森森楊子宅門

元士玉帛聘賢良予非荆山璞謬登和氏場羊質服虎文燕  
翼假鳳翔既懼非所任怨彼南路長千里既悠邈路次限關  
梁僕夫罷遠涉車馬困山岡深谷下無底高巖既穹蒼豐草  
停滋潤霧露沾衣裳玄林結陰氣不風自寒涼顧瞻情感切  
惻愴心哀傷士生則懸弧有事在四方安得恒逍遙端坐守  
閨房引義割外情內感實難忘

雜詩

張季鷹名翰吳郡人東晉

暮春和氣應白日照園林青條若揔翠黃華如散金嘉卉亮  
有觀顧此難久耽延頸無良塗頓足託幽深榮與壯俱去賤  
與老相尋歡樂不照顧慘愴發謳吟謳吟何嗟及古人可慰  
心

金谷集作詩

潘安仁

王生和鼎實石子鎮海沂親友各言邁中心展有違何以叙  
離思攜手游郊畿朝發晉京陽夕次金谷潛迴谿紫曲阻峻  
阪路感夷綠池泛淡淡青柳何依依濫泉龍鱗澗激波連珠  
揮前庭樹沙棠後園植烏桺靈囿繁石榴茂林列芳梨飲至  
臨華沼遷坐登隆坻玄醴染朱顏但想杯行遲揚桴撫靈鼓  
簫管清且悲春容誰不慕歲暮良獨希投分寄石友白首同  
所歸

悼亡詩三首

往疇冬春謝寒暑忽流易之子歸窮泉重壤未幽隔私懷誰  
克從淹留亦何益僂俛恭朝命迴心反初役望廬思其入  
室想所歷悼屏無髮髻翰墨有餘跡流芳未及歇遺挂猶在  
壁悵恍如或存周違忡驚惕如彼翰林鳥雙栖一朝隻如彼  
游川魚比目中路折春風綠隙來晨雷承簷滴寢息何時  
沉憂日盈積庶幾有時衰莊岳猶可擊

皎皎窻中月照我室南端清商應秋至溽暑隨節闌凜凜涼  
風升始覺夏衾單豈曰無重纊誰與同歲寒寒無與同朗  
月何朧朧發轉眄枕席長簟竟牀空牀空交清塵室虛來悲  
風獨無李氏靈髮婦觀爾容撫衿長歎息不覺涕霑鬢鬢  
安能已悲懷從中起寢興目存形道音猶在耳上慙東門吳  
下愧蒙莊子賦詩欲言志此志難具紀命也可奈何長戚自  
令鄙

惟靈運天機四節代遷逝淒淒朝露凝烈烈夕風厲柰何悼  
淑儂儀容永潛翳念此如昨日誰知已卒歲改服從朝政哀  
心寄私制齒憐張故房朔望臨爾祭爾祭詎幾時朔望忽復

盡衾裳一毀撤千載不復引壘磨暮月周戚戚彌相愍悲  
感物來泣涕應情墮駕言陟東阜望墳思紆軫徘徊墟墓  
欲去復不忍徘徊不忍去徒倚步踟躕落葉委庭側枯荻  
墳隤孤魂獨煢煢安知靈與無投心遵朝命揮涕強就車  
謂帝宮遠路極悲有餘

河陽作二首

潘安仁

微身輕蟬翼弱冠忝嘉招在疚妨賢路再升上宰朝猥荷公  
叔舉連陪廁王寮長嘯歸東山擁耒耨時苗幽谷茂織葛峻  
巖敷繁條落英隕林趾飛莖秀陵喬卑高亦何常升降在一  
朝徒恨良時忝小人道遂消譬如野田蓬幹流隨風飄昔倦  
都邑游今掌河朔低登城眷南顧凱風揚微綃洪流何浩漭  
惟芒屨時岩峩誰謂晉京遠室瀕身實遠誰謂邑宰輕令名患

不勸人生天地間百年孰能要頰如搗石火譬若截道颺齊  
都無遺聲祠鄉有餘謠福謙在純約害盈由於矜驕雖無君人  
德視民庶不愧

日夕陰雲起登城望洪河川氣冒山嶺驚湍激巖阿歸鴈映  
蘭時游魚動圓波鳴蟬厲寒音時菊耀秋華引領望京室南  
路在伐柯大厦緬無覲崇芒鬱嵯峨揔都邑人擾擾俗化  
訛依水類浮萍寄松似懸蘿朱博糾舒慢楚風被琅邪曲蓬  
何以直託身依叢麻黔黎竟何常政成在民和位同單父邑  
愧無子賤歌豈敢陋微官但恐忝所荷

在懷縣作二首

潘安仁

南陸迎脩景朱明送未垂初伏啓新節隆暑方赫羲朝想慶  
雲興夕違白日移揮汗辭中字登城臨清池涼飈自遠集輕



襟隨風吹靈圃耀華果通衢列高椅瓜瓞蔓長苞薑芋紛廣  
畦稻栽蕭仟仟黍苗何離離虛薄乏時用位微名日屏驅役  
宰兩邑政績竟無施自我違京輦四載迄于斯器非廊廟姿  
屢出固其宜徒懷越鳥志眷戀想南枝

春秋代遷逝四運紛可喜寵辱易不驚戀本難為思我來冰  
未泮時暑忽隆熾感此還期淹歎彼年往駛登城望郊甸游  
目歷朝寺小國寡民務終日寂無事白水過庭激綠槐夾門  
植信美非吾土祇攬懷歸志眷然顧鞏洛山川邈離異願言  
旋舊鄉畏此階書忌祇奉社稷守恪居處職司

招隱

陸士衡

明發心不夷振衣聊躑躅躑躅欲安之幽人在浚谷朝採南  
澗藻夕息西山足輕脩象雲構密葉成翠幄敷筵竹蘭林回  
芳薄秀木山溜何泠泠飛泉漱鳴玉哀音附靈波頽響赴曾  
曲至樂非有假安事澆淳樸富貴苟難圖稅駕從所欲

贈尚書郎顧彥先

大火貞朱光積陽熙自南望舒離金虎屏翳吐重陰淒風迂  
時序若雨遂成霖朝遊忘輕羽夕息憶重衾感物百憂生纏  
綿自相尋與子隔蕭牆蕭牆阻且深形影曠不接所託聲與  
音音聲日夜濶何用慰吾心

贈顧交趾公真

顧侯體明德清風肅已邁發迹翼藩后改授撫南裔伐鼓五  
嶺表揚旌萬里外遠績不辭小立德不在大高山安足凌巨  
海猶縈帶惆悵瞻飛駕引領望歸旆

贈從兄車騎

孤獸思故藪離鳥悲舊林翩翩游宦子辛苦誰為心髣髴谷  
水陽婉孌崑山陰營魄懷茲土精爽若飛沉寤寐靡安豫願  
言思所欽感彼歸塗艱使我怨慕深安得忘歸草言樹背與  
襟斯言豈虛作思鳥有悲音

答張士然

繫身躋秘閣秘閣峻且玄終朝理文案薄暮不遑眠駕言巡  
明祀致敬在祈年道途春王囿躑躅千畝田迴渠繞曲陌通  
波扶直阡嘉穀垂重穎芳樹發華顛余固水鄉士惣轡臨清  
淵戚戚多遠念行行遂成篇

為顧彥先贈婦二首

辭家遠行游悠悠三千里京洛多風塵素衣化為緇脩身悼  
憂苦感念同懷子隆思亂心曲沉歡滯不起歡沉難克興心

亂誰為理願假歸鴻翼翻飛浙江記

東南有思婦長歎充幽閨借問歎何為佳人眇天末遊宦  
不歸山川脩且濶形影參商乖音息曠不達離合非有常譬  
彼弦與箏願保金石軀慰妾長飢渴

贈馮文龍

昔與二三子游息承華南拊翼同枝條翻飛各異尋苟無凌  
風翻徘徊守故林慷慨誰為感願言懷所欽發軔清洛汭驅  
馬大河陰佇立望朔塗悠悠迥且深分索古所悲志士多苦  
心悲情臨川結苦言隨風吟愧無雜佩贈良訊代兼金夫子  
幾遠猷款誠寄惠音

赴洛詩二首

希世無高符營道無烈心靖端肅有命假檝越江潭親友贈

予適揮淚廣川陰撫膺解攜手永歎結遺音無迹有所匿寂  
漠聲必沈肆目眇不及緬然若雙潛南望泣玄潛北邁涉長  
林谷風拂脩薄油雲結高岑壘壘孤獸騁嚶嚶思鳥吟感物  
戀室室離思一何深佇立愴我歎寤寐涕盈衿惜無懷歸志  
辛苦誰為心

羈旅遠游宦託身承華側撫劍薄銅輦振纓盡祗肅歲月一  
何易寒暑忽已革載離多悲心感物情悽惻慷慨遺安愈永  
歎發餐食思樂樂難誘曰歸歸未克憂苦欲何為纏絲曾與  
臆仰瞻陵霄鳥羨爾歸飛翼

赴洛道中作二首

摠轡登長路嗚咽辭密親借問子何之世網嬰我身永歎遵  
北渚遺思行兩津行行遂已遠野途曠無人山澤紛紆餘杯

薄杳阡眠虎嘯深谷底雞鳴高樹巔衣風中夜流孤獸更我  
前悲情觸物感沈思鬱纏絲佇立望以歎鄉顧影悽自憐  
遠游越山川山川脩且廣振策陟崇丘安轡遵平莽夕息抱  
影寐朝徂銜思往頓轡倚嵩巖側聽悲風響清露墜素輝明  
月一何朗撫几不能寐振衣獨長想

吳王郎中時從梁陳作

在昔蒙嘉運矯迹入崇賢假翼鳴鳳條濯足升龍淵玄冕無  
醜士冶服使我妍輕劍拂鞞厲長纓麗且鮮誰謂伏事淺契  
濶踰三年薄言肅後命改服就藩臣一舸駕尋清軌遠游越梁  
陳感物多遠念慷慨懷古人

園葵

種葵北園中葵生萋萋朝榮東北傾夕頽西南晞零露垂

鮮澤朗月耀其輝時逝柔風戢歲暮尚森飛層雲無溫液嚴  
霜有疑威幸蒙高埔德玄景蔭素蕤豈條並春盛落葉後秋  
衰慶彼晚凋福忘此孤生悲

擬古詩十首

擬行行重行行

悠悠行邁遠戚戚憂思深此思亦何思思君徽與音音微日  
夜離緬貌若飛沈王鮪懷河岫晨風思北林游子眇天末遠  
期不可尋驚飈褰反信歸雲難寄音佇立想萬里沈憂萃我  
心攬衣有餘帶循形不盈衿去去遺情累安處撫清琴

擬今日良宴會

閑夜命懽友置酒迎風館齊僮梁甫吟秦娥張女彈哀音繞  
棟宇遺響入雲漢四坐咸同志羽觴不可算高譚一何絢蔚

若朝霞爛人生無幾何為樂常苦晏譬彼何晨鳥揚聲當及  
旦曷為恒憂苦守此貧與賤

擬迢迢牽牛星

昭昭清漢暉粲粲光天步牽牛西北迴織女東南顧華容一  
何治揮手如振素怨彼河無梁悲此年歲暮跂彼無良緣睨  
焉不得度引領望大川雙涕如霑露

擬涉江采芙蓉

上山采瓊藻穹谷饒芳蘭采采不盈掬悠悠懷所歡故鄉一  
何曠山川阻且難沈思鍾萬里躑躅獨吟歎

擬青青河畔草

靡靡江蘿草熠燿生河側皎皎彼姝女阿那當軒織粲粲妖  
容姿灼灼美顏色良人遊不歸偏棲獨隻翼空房來悲風中

夜起歎息

擬明月何皎皎

安寢北堂上明月入我牖照之有餘暉攬之不盈手涼風繞  
曲房寒蟬鳴高柳踟躕感節物我行永已久遊宦會無成離  
思難常守

擬蘭若生朝陽

嘉樹生朝陽疑霜封其條執心守時信歲寒終不凋美人何  
其遠灼灼在雲霄思想彌年月長嘯入飛飈引領望天末葵  
藿向陽翹

擬西北有高樓

高樓一何峻迢迢峻而安綺窻出塵冥飛陛躡雲端佳人撫  
琴瑟纖手清且閑芳氣隨風結哀響馥若蘭玉容誰得顧傾

城在一彈竹立望日吳蠟燭再三歎不他佇立久但願歡者  
歡思駕歸鴻羽比翼双飛翰

擬庭中有奇樹

歡女蘭時往迢迢、匿音微虞淵引絕景四節逝若飛芳艸久  
已茂佳人竟不歸躑躅遵林渚惠風入我懷感物恣所歡采  
此欲貽誰

擬明月皎夜光

歲暮涼風發昊天肅明之招遙西北指天漢東南傾朗月卷  
關房蟋蟀吟戶庭翻、歸鴈集噤、寒蛩鳴疇昔同宴友翰  
飛戾高冥服美改声聽居愉遺旧情織女無機杼大梁不架  
楹

於承明作與士龍

牽世嬰時網駕言遠徂在飲饌豈異族親戚弟與兄如變勸  
居人端士思紆鬱游子情明發遺安寐悟言涕交纓不塗  
長林側揮袂萬始亭佇眄要遐景傾耳玩餘聲南歸憩永  
安北邁頌承明永安有昨軌也承明子弃予趾俯仰  
悲林薄慷慨含辛楚懷往歡色端悼來憂成緒感別際舒  
翻思歸樂遵堵

為顧彥先即中贈婦

陸士龍

悠悠君子遠荒妾獨止山河安可踰永路隔萬里京室多  
妖冶餐人子雅步擢纖腰巧笑發皓齒佳麗良可美衰  
賤焉足紀遠蒙眷顧言衛思非望始

答張士然

行遊遠長川飄飄冒風塵通波激狂瀾悲風薄江橋宿路無

窮跡井邑自相循百城各異俗千宰非良隣歡情難假公以  
士豈虛親感念飛梓城鬢髯眼中人靡靡日夜遠眷懷苦

辛

七哀詩

張孟陽名載武邑人領著作

茫茫何壘壘高陵有四五借問誰家墳皆云漢世主恭文遙  
相望原陵鬱膺膺李葉喪亂起賊盜如豺虎毀壤過一杯使  
房馨幽戶珠柙離玉體珍寶見剽虜園寢化為墟周痛無遺  
堵蒙籠荆棘生踐徑登童豎爪兔窟其中蕪穢不復掃頽墜  
並墾發萌隸營農圃昔為萬乘君今為丘中士感彼雍門言  
悽愴哀今古

詠史

張景陽名協載之弟黃門侍郎

昔在西京時朝野多歡娛諠諠東都門群公祖二疎朱軒曜

金城供帳臨長衢達人知止足遺榮忽如無抽簪解朝衣散  
髮歸海隅行人為隕涕賢哉此大夫揮金樂當年歲暮不留  
儲顧謂四座賓多財為累患清風激萬代名與天壤俱咄此  
蟬冕客君紳宜見書

雜詩六首

大火流坤維白日馳西陸浮陽暎翠林迴飈扇綠竹飛雨灑  
朝蘭輕露栖叢菊龍蟄暄氣疑天高萬物蕭弱條不重結芳  
豨豈用馥人生瀛海內忽如鳥過目川上之歎逝前脩以自  
勗

朝霞迎白日丹氣臨湯谷翳翳結繁雲森森散雨足輕風摧  
勁草疑霜竦高木密葉日夜踈叢林森如束疇昔歎時逢晚  
節悲年促歲暮懷百憂將從季主卜

昔我資章甫聊以適諸越行行入幽荒歐駭從祝髮窮年非  
所用此貨將安設瓠瓠夸璣璠魚目笑明月不見郢中歌能  
否居然別陽春無和者巴人皆下節流俗多昏迷此理誰能  
察

此鄉非吾地此郭非吾城羈旅無定心翩翩如懸旌出覩軍  
馬陣入聞鞞鼓聲常懼羽檄飛神武一朝征長鋏鳴鞘中烽  
火列邊亭舍我衡門衣更被縵胡纓疇昔懷微志惟幙竊所  
經何必操干戈堂上有竒兵折衝樽俎間制勝在兩楹巧遲  
不足稱拙速乃垂名

述職投邊城羈束戎旅間下車如昨日望舒四五圓借問此  
何時蝴蝶飛南園流波戀舊浦行雲思故山閩越衣文蛇胡  
馬願度燕風土安所習由來有固然

結宇窮岡曲耦耕幽藪陰荒庭寂以閉幽岫峭且深凄風起  
東谷有泝輿南岑雖無箕畢期膚寸自成霖澤雉登壘雉寒猿  
襍條吟溪壑無人跡荒楚鬱蕭森投耒循岸垂時聞熊采音  
重基可擬志迴淵可比心養真尚無為道勝貴陸沉游思竹  
素園寄詞翰墨林

征西官屬送於陟陽候作

孫子荆

名楚太原人  
馬翊太守

晨風飄岐路零雨被秋草傾城遠追送餞我千里道三命皆  
有極咄嗟安可保莫大於殤子彭聃猶為夭吉凶如糾纏憂  
喜相紛擾天地為我鑪萬物一何小達人垂大觀誠此苦不  
早乖離即長衢惆悵盈懷抱孰能察其心鑒之以蒼昊齊契  
在今朝守之與借老

臨終詩

歐陽堅石名建渤海人馮坤太守

伯陽適西戎孔子欲居蠻苟懷四方志所在可游盤况乃遭  
屯蹇顛沛遇災患古人達機兆策馬游近關咨余冲且暗抱  
責守微官潛圖密已構成此禍福端恢恢六合間四海一何  
寬天網布絃綱投足不獲安松栢隆冬悴然後知歲寒不涉  
太行險誰知斯路難真偽因事顯人情難豫觀窮達有定分  
慷慨復何歎上負慈母恩痛酷摧心肝下顧所憐女惻惻心  
中酸二子棄若遺念皆邁凶殘不惜一身死惟此如循環執  
紙五情塞揮筆涕汎瀾

迎大駕

潘正叔

南山鬱岑崑洛川迅且急青松蔭脩嶺綠蘩被廣隰朝日順  
長塗夕暮無所集歸雲乘憶浮淒風尋帷入道逢深識士舉  
手對吾揖世故尚未夷峭函方嶮澁狐狸夾兩轅豺狼當路



立翔鳳嬰籠檻騏驥見維繫俎豆昔嘗聞軍旅素未習且少  
停君駕徐待干戈戢

重贈盧諶

劉越石

握中有玄璧本自荆山璆惟彼太公望昔在涓濱叟鄧生何  
感激千里來相求白登幸曲逆鴻門賴留侯重耳任五賢小  
白相射鈎苟能隆二伯安問黨與讎中夜撫枕歎想與數子  
遊吾衰久矣夫何其不夢周誰云聖達節知命故不憂宣尼  
悲獲麟西狩涕孔丘功業未及建夕陽忽西流時哉不我與  
去乎若雲浮朱實隕勁風繁英落素秋狹路傾華蓋駟摧  
雙軌何意百鍊剛化為繞指柔

覽古詩

盧子諒

趙氏有和璧天下無不傳秦人來求市厥價徒空言與之將  
見賣不與恐致患簡才備行李圖令國命全蘭生在下位繆  
子稱其賢奉辭馳出境伏軾徑入關秦王御殿坐趙使擁節  
前揮袂脫金柱身玉要俱捐連城既偽往荆王亦真還爰在  
涵池會二三剋交歡昭襄欲負力相如折其端皆血下霑襟  
怒髮上衝冠西缶終雙擊東瑟不隻彈捨生豈不易處死誠  
獨難綾威章亭顛彊禦亦不干屈節邯鄲中俛首忍迴軒廉  
公何為者負荆謝厥僞智勇冠當世弛張使我歎

贈崔溫

逍遙步城隅暇日聊遊豫北眺沙漠垂南望舊京路平陸引  
長流岡巒挺茂樹中原屬迅飈山阿起雲霧遊子恒悲懷舉  
目增永暮良儔不獲偕舒情將焉訴遠念賢士風遂存往古  
務朝鄙多伏氣豈惟地所固李牧鎮邊城荒夷懷南懼趙奢

正疆場秦人折北震羈旅及寬政委質與時遇恨以驚蹇姿  
徒煩非子御亦既死負檐忝位宰黔庶苟云免罪戾何暇收  
民譽倪寬以殿黜終乃最衆賦何武不赤赤遺愛常在去古  
人非所希短弱自有素何以敷斯辭惟以二子故

時興

亶、圓象運悠、方儀廓忽、歲云暮游原來蕭藿北逾邛  
與河南臨伊與洛疑霜露蔓草悲風振林薄撼、芳葉零葉  
葉芬華落下泉激冽清曠野增遼索登高眺遐荒極約玉無崖  
嶠形變隨時化神感因物作澹乎至人心恬然存玄漠

游仙詩五首

郭景純

青谿千餘仞中有一道士雲生梁棟間風出窓戶裏借問此  
何誰云是鬼谷子翹跡企頓揚言河思洗耳聞闔西南來潛

波漁鱗起靈妃頤我笑粲然啟玉齒寒憇時不存要之將誰

翡翠戲蘭若容色更相鮮綠蘿結高林蒙龍蓋一山中有冥  
冥士靜嘯撫清弦放情凌霄外嚼藥挹飛泉赤松臨上遊駕  
鴻乘紫煙左挹浮丘袂右拍洪崖肩借問蜉蝣輩寧知龜鶴年  
六龍安可頓運流有代謝時變感人思已秋復願夏淮海變  
微禽吾生獨不化雖欲騰丹谿雲螭非我駕愧無魯陽德迴  
日向三舍臨川哀年邁撫心獨悲咤

逸翮思拂霄迅足羨遠遊清源無增瀾安得運吞丹珪璋雖  
特達明月難闇投潁然青陽陵蒼哀素秋悲來測丹心零  
涕綠纒

雜縣寓魯門風煖將為穴吞舟湧海底高浪駕蓬萊神仙排  
雲出但見金銀臺度陽挹丹溜容成揮玉杯姮娥揚妙音洪

崖嶺其顛升降隨長煙飄飄戲九垓奇齡邁五龍千歲方嬰  
孩燕昭無靈氣漢武非仙才

游西池 謝叔源名混江左人尚書左僕射

悟彼蟋蟀唱信此勞者歌有來豈不疾良遊常蹉跎逍遙  
誠肆願言屢經過迴阡被陵闕高臺眺飛霞惠風蕩繁園  
白雲屯曾阿景昊鳴禽集水木湛清華褰裳順蘭芷徙倚  
柯美入愆歲月遲暮獨如何無為牽所思南榮誠其多

反招隱詩

王康琚

小隱隱陵藪大隱隱朝市伯夷竄首陽老聃伏柱史昔在太  
平時亦有巢居子今雖盛明世能無中林士放神青雲外絕  
迹窮山裏鷓鴣先晨鳴衰風迎夜起凝霜凋朱顏寒泉傷玉  
趾周才信衆人偏智任諸已推分得天和矯性失至理歸來

安所期與物齊終始

思友人詩

曹顏遠名播魏國人竊至左司馬

密雲翳陽景霖潦滄海庭除嚴霜彫翠草寒風振纖枯稟稟天  
氣清落落卉木踈感時歌蟋蟀思賢詠白駒情隨玄陰帶心  
與迴飄俱思心何所懷懷我歐陽子精義測神奧清心發妙  
理自我別旬朔微言絕于耳褰裳不足難清揚未可俟延首  
出階檐佇立增想似

感舊詩

富貴他人合貧賤親戚離廉藺門易執田竇相奪移晨風集  
茂林棲鳥去枯枝今我唯困蒙郡士所背馳鄉人敦懿義濟  
濟蔭光儀封賓頌有客舉觴詠露路斯臨樂何所歎素  
絲與路岐

四時

陶淵明

春水滿四澤夏雲多奇峰秋月揚明輝冬嶺秀孤松

始作鎮軍叅軍經曲阿作

弱齡寄事外委懷在琴書被褐欣自得屢空常晏如時來苟  
宜會宛轡憩通衢投策命晨裝暫與園田踈渺渺孤舟逝綿  
綿歸思紆我行豈不遙登陟千里餘目倦川塗異心念山澤  
居望雲慚高鳥臨水愧游魚真想初在襟誰謂形跡拘聊且憑  
化遷終返班生廬

九日間居

世短意恒多斯人樂久生日月依辰至舉俗愛其名露凄  
風息氣澈天象明往燕無遺影來鴈有餘聲酒能祛百慮菊  
為制頽齡如何蓬廬士空視時運傾塵爵耻虛壘寒華徒自

榮歛襟獨閒謹緬焉起深情棲遲固多娛淹留起無成

歸田園居四首

少無適俗韻性本愛丘山誤落塵網中一去三十年羈鳥戀  
舊林池魚思故淵開荒南野際守拙歸園田方宅十餘畝草  
屋八九間榆柳蔭後園桃李羅堂前曖曖遠人村依依墟里  
煙狗吠深巷中鷄鳴桑樹顛戶庭無塵雜虛室有餘閒久在  
樊籠裏復得返自然

野外罕人事窮巷寡輪鞅白日掩荆扉虛室絕塵想時復墟  
曲中披草共來往相見無雜言但道桑麻長桑麻日已長我  
志日已廣常恐霜霰至零落同草莽

種豆南山下草盛豆苗稀晨興理荒穢帶月荷鋤歸道狹草  
木長夕露沾我衣衣沾不足惜但使願無違

種苗在東臯苗生滿阡陌雖有荷鋤倦濁酒聊自適日暮中  
柴車路暗光已夕歸人望煙火稚子候簷隙問君亦何為百  
年會何役但願樂麻成蚕月得紡績素心正如此開徑望三益  
夜行江陵途中

閑居三十載遂與塵事冥詩書敷宿好林園無俗情如何捨  
此去遙、至南荆叩柰新秋月臨流別友生涼風起特夕夜  
景湛虛明照、天宇濶晶、川上平懷役不違寐中宵尚孤  
征商歌非吾事依、在耦耕投冠旋舊墟不為好爵繁養真  
衡茅下庶以善自名

懷古田舍

先師有遺訓憂道不憂貧瞻望邈難逮轉欲志長勤秉耒歡  
時務解頰勸農人平疇交遠風良苗亦懷新雖未量歲功即  
事多所欣耕種有時息行者無問津日入相與歸壘聚勞近  
鄰長吟掩柴門聊為隴畝民

西田獲稻

人生歸有道衣食固其端孰是都不營而以求自安開春理  
常業歲功聊可觀晨出肆微勤日入負未還山中饒霜露風  
氣亦先寒田家豈不苦弗獲辭此難四體誠乃疲交無異患  
干盥濯息簷下斗酒散襟顏遙遙沮溺心千載乃相關但願  
長如此躬耕非所歎

詠貧士

萬族各有託孤雲獨無依曖曖空中滅何時見餘暉朝霞開  
宿霧衆鳥相與飛遲遲出林翮未夕復來歸量力守故轍豈  
不寒與飢知音苟不存已矣何所悲

移居二首

昔欲居南村非為卜其宅間多素心人樂與數晨夕懷此頗  
有年今日從茲役弊廬何必廣取足蔽床席隣曲時時來抗  
言談在昔奇文共欣賞疑義相與析  
春秋多佳日登高賦新詩過門更相呼有酒斟酌之農務各  
自歸閒暇輒相思相思則披衣言笑無厭時此理將不勝無  
為忽去茲衣食當須紀力耕吾不欺

和劉柴桑

山澤久見招胡事乃躊躇直為親舊故未忍言索居良辰入  
奇懷挈杖還西廬荒塗無歸人時時見廢墟茅茨已就治新  
疇復應畚谷風轉淒薄春醪解飢劬弱女雖非男慰情良勝  
淇西栖世中事歲月共相踈耕織稱其用過此奚所須去去

百年外身名同鷗如

和郭主簿

藹藹堂前林中夏貯清陰凱風因時來回飈吹我襟息交游閒  
業固起弄書琴園蔬有餘滋舊穀猶儲今營已良有極過足  
非所欽表林作羨酒酒孰吾自斟弱子戲我側學語未成音  
此事真復樂聊用忘華簪遙遙望白雲懷古一何深

贈羊長史

愚生二季後慨然念黃虞得知千載外上賴古人書賢聖留  
餘跡事事在中都豈忘游心目關河不可踰九域甫已一逝  
將理舟輿聞君當先邁負疴不獲俱路若經商山為我少躊  
躇多謝綺與角精爽今何如紫芝誰復採深谷久應蕪駟馬  
世貞忠貧賤有交娛清謠結心曲人乘運見踈擁懷累代下

並意不舒

歲暮和張常侍

復舊人驟驥感悲泉明日非今日歲暮余何言素顏歎  
已髮一已繁濶哉秦穆談旅力豈未憊向夕長風起寒  
四山厲厲氣逐嚴紛紛飛鳥還民生鮮長在矧伊愁苦  
鬪清醕至無以樂當年窮通靡攸慮顛顛由化遷撫已  
懷履運增慨然

詠荆軻

丹善養士志在報強嬴招集百夫良歲暮得荆卿君子死  
知已提劍出燕京素驥鳴廣陌慷慨送我行雄髮指冠猛  
氣衝長纓飲饒易水上四座列群英漸離擊悲筑宋意唱高  
賢蕭蕭哀風逝淡淡寒波生高聲更流涕羽奏壯士驚心知  
去不歸且有後世名登車何時願飛蓋入秦庭凌厲越萬里  
遠過千城圖窮事自至豪主正怔營惜我劍術疎奇功遂  
不成其人雖已沒千載有餘情

讀山海經

孟夏草木長遶屋樹扶疎衆鳥欣有託吾亦愛吾廬既耕亦  
已種時還讀我書窮巷隔深轍頗迴故人車歡言酌春酒摘  
我園中蔬微雨從東來好風與之俱汎覽周王傳流觀山海  
圖俯仰終宇宙不樂復何如

桃源詩

嬴氏亂天紀賢者避其世黃綺之商山伊人亦云逝往迹寔  
復湮米廷遂蕪廢相命肆農耕日入從所憩桑竹垂餘蔭芥  
穞隨時藝春蠶收長絲秋熟靡王稅荒路曖交通雞犬互鳴

吠姐豆猶古法衣裳無新制童孺縱行歌斑白歡游詣草榮  
識節和木衰知風厲雖無紀歷誌四時自成歲怡然有餘樂  
于何勞智慧竒踪隱五百一朝敬神界淳薄既異源旋復還  
幽蔽借問遊方士焉測塵囂外願言躡輕風高舉尋吾契

飲酒十首

衰榮無定在彼此更共之邵生瓜田中寧似東陵時寒暑有  
代謝人道每如茲達人解其會逝將不復疑忽與一觴酒日夕  
歡相持

積善云有報夷叔不西山善惡苟不應何事空立言九十行  
帶索既寒况當年不賴固窮節百世誰當傳

道喪向千載人人惜其情有酒不肯飲但願世間名所以貴  
我身豈不在一生一生復能幾倏如派電驚鼎鼎百年內持

此欲何成

結廬在入境而無車馬喧問君何能爾心遠地自偏東  
籬下悠然見南山山氣日夕佳飛鳥相與還此還有真意欲  
辨已忘言

秋菊有佳色裛露掇其英汎汎此志憂物遠我違世情一觴雖  
酒進杯盞壺自傾日入群動息歸鳥趨林鳴嘯傲東軒下聊  
復得此生

青松在東園衆草沒竒姿疑霜殄異類卓然見高枝連林人  
不覺獨樹衆乃竒提壺撫寒柯遠望時復為吾生夢幻間何  
事繼塵羈

清晨聞扣門倒裳往自開問子為誰歟田父有好懷壺漿遠  
見候疑我與時垂襜縷茅簷下未足為高棲一世皆尚同願



君汨其泥深感父老言稟氣寡所諧紆纏誠可學違已詎非  
迷且共歡此飲吾駕不可回

在昔曾遠遊直至東海隅道路迫且長風波阻中塗此行誰  
使然似為飢所驅傾身營一飽少許便有餘恐此非名計息  
駕歸閒居

故人賞我趣挈壺相與至班荆坐松下數斟已復醉父老雜  
亂言觴酌失行次不覺知有我安知物為貴悠悠迷所留酒  
中有深味

義農去我久舉世少復真汲汲魯中叟彌縫使其淳鳳鳥雖  
不至禮樂整得新洙泗輟微響漂流逮任秦詩書復何罪一  
朝成灰塵區區諾老翁為事誠殷勤如何絕世下六籍無一  
親終日馳車走不見所問津若復不快飲空負頭上巾但恨

多謬誤君當恕醉人

擬古五首

榮榮窓下蘭密密堂前柳初與君別時不謂行當久出門萬  
里客中道逢嘉友永言心先醉不在接杯酒蘭枯柳亦衰遂  
令此言負多謝諸少年相知不忠厚意氣傾人命離隔復何  
有

東方有一士被服常不完三旬九遇食十年著一冠辛苦無  
此比常有好奇容顏我欲觀其人晨去越河關青松夾路生一  
白雲宿簷端知我故來意取琴為我彈上絃驚別鶴下絃掃孤  
鷺願留就君住從今至歲寒

日暮天無雲春風扇微和佳人美清夜達曙酣且歌歌竟長  
歎息持此感人多皎皎雲間月灼灼葉中華豈無一時好不

久當如何

少時杜且厲撫劍獨行遊誰言行遊近張掖至幽州飢食首  
陽薇渴飲易水流不見相知人惟見古時丘路邊兩高墳伯  
牙與莊周此士歎再得吾行欲何求

種桑長江邊三年望當采枝條始欲茂忽值山河改柯葉自  
摧折根株浮滄海春蠶既無食寒衣欲誰待本不值高原今  
日復何悔

雜詩三首

白日淪西河素月出東嶺遙三萬里輝蕩空空中景風來入房  
戶夜中枕席冷氣變悟時易不眠知夕永欲言無子和揮杯勸  
孤影日月擲人去有志不獲騁念此懷悲悽終曉不能靜  
代耕本非望所業在田來躬親未曾替寒餒常糴糠豈期過滿

腹但願飽糲糧御冬足大布麤絺以應陽止爾不能得哀哉  
亦可傷人自盡獲宜拙生失其方理也可柰何且為陶一觴  
人生無根蒂飄如陌上塵分散逐風轉此已非常身落地為  
兄弟何必骨肉親得歡當作樂斗酒聚比鄰盛年不重來一  
日難再晨及時當勉勵歲月不待人

已酉歲九月九日

靡靡秋已夕淒淒風露交蔓草不復榮園木空自凋清氣澄  
餘滓杳然天界高哀蟬無歸響叢鴈鳴雲雲萬化相尋繹人  
生豈不勞後古皆有役念之中心焦何以撫我情濁酒且自  
陶千載非所知聊以永今朝

詠三良

彈冠乘通津但懼時我遺服勤盡歲月常恐功愈微忠情

謬獲露遂為君所私出則陪文輿入必侍丹帷箴規嚮已從  
計議初無虧一朝長逝後願言同此歸厚恩固難忘君命安  
可違臨穴罔惟疑役義志收希荆棘籠高墳黃鳥聲耳正悲  
良人不可贖泣然沾我衣

於王撫軍座送客

秋日淒且厲百舟具已腓爰以履霜節登高儀將歸寒氣冒  
山澤游雲倏無依洲渚四迴逝風水于乖違瞻夕欲良譙離  
言聿云悲晨鳥暮來還懸車斂餘輝逝止判殊路旋駕悵遲  
遲目送回舟遠情隨萬化遺

問來使

爾從山中來早晚發天目我屋南山下今生幾叢菊蓄微葉  
已抽秋蘭氣當馥歸去來山中山中酒應熟

責子

白髮被雨鬢肌膚不復實雖有五男兒總不好紙筆阿舒已  
二八懶惰故無匹阿宣行志學而不愛文術雍端年十三不  
識六與七通子喬九齡但覓梨與栗天運苟如此且盡盃中物

止酒

居止次城邑逍遙自閑止坐止高蔭下步止草門裏好味止  
園葵大歡止稚子平生不止酒止酒情無喜暮止不安寢晨  
止不能起日欲止之營衛止不理徒知止不樂不信止利  
已始覺止為善今朝真止矣從此一止去將止扶桑疾清顏  
止宿容奚止千萬祀

宋

遊南亭

謝靈運

時竟文澄霽雲歸日西馳密林含餘清遠峰隱半規久痲悔  
昏墊若旅館馳却岐澤蘭漸被徑芙蓉始發池未厭青春好  
已觀朱明移感感感物歎星星白髮垂藥餌情所止衰疾忽  
在斯逝將候秋水息景偃舊崖我志誰與亮賞心惟良知

從斤竹澗越嶺溪行

援鳴誠知曙谷幽光未顯爨下雲方合花上露猶泫逶迤傍  
隈隩迢遞陟陁峴過澗既厲急登棧亦陵緬川渚屢徑復乘  
流玩迴轉蘋苹及沉深菰蒲冒清淺企石挹飛泉攀林摘葉  
卷想見山阿人薜蘿若在眼松蘭勤徒結折麻心莫展情用  
賞為美事昧竟誰辨觀此遺物慮一悟得所遣

述祖德詩二首

達人貴自我高情屬天雲兼抱濟物性而不纓若氣段生蕃

魏國展季枚魯人弦高犒贈師仲連却秦軍臨組乍不緜對  
珪寧肯分惠物辭所賞勵志故絕人茗茗歷千載遙遙播清  
塵清塵竟誰嗣明哲垂經綸委講綴道論改服康世也也難  
既云康尊主隆斯民

中原昔喪亂喪亂豈解已崩騰永嘉末逼迫太元始河外無  
反正江介有蹙圯萬邦咸震懼橫流賴君子拯溺由道情龕  
暴資神理秦趙欣來蘇燕魏遲文軌賢相謝世運遠圖因事  
止高揖七州外拂衣五湖裏隨山疏澹潭傍岩藝扮梓遺情  
舍塵物貞觀立壑美

隣里相送至方山

祗役出皇邑指期憩甌越解纜及流潮懷舊不能發析析就  
衰林皎皎明秋月含情易為盈遇物難可歇精疴謝生慮寡

欲罕所闕資此永幽棲豈伊年歲別各勉日新志音塵慰寐茂

九日從宋公戲馬臺集送孔令

季秋邊朔若旅鴈違霜雪淒淒陽卉腓皎皎寒潭絜良辰感  
聖心雲旗興暮節鳴葭戾朱宮蘭卮獻時哲餞宴光有孚和  
樂隆所缺在宥天下理吹萬群方悅歸客遂海隅脫冠謝朝  
列殂棹薄枉渚指景待樂闕河流有急瀾浮驂無緩轍豈伊  
川塗念宿心愧將別彼美丘園道喟為傷薄劣

從游京口北固應詔

玉璽戒誠信黃屋示崇高事為名教用道以神理超昔聞汾  
水游今見塵外鑣鳴笳發春渚稅鑿登山椒張組眺倒景列  
筵矚歸潮遠岩映蘭薄白日麗江皋原隰美綠柳墟園散紅  
桃皇心美陽澤萬象咸光昭願已枉維繫撫志慚場苗工拙

各所宜終以反林巢魯是紫舊想覽物奏長謠

晚出西射堂

步出西城門遙望城西岑連嶂疊巘崿青翠杳深沉曉霜楓  
葉丹夕曛嵐氣陰節往感不淺感來念已深羈雌戀舊侶迷  
鳥懷故林含情尚勞愛如何離賞心撫鏡華緇鬢攬帶緩促  
衿安排徒空言幽獨賴鳴琴

登池上樓

潛蚪媚幽姿飛鴻響遠音薄霄愧雲浮棲川作淵沉進德智  
所拙退耕力不任徇祿反窮海臥痾對空林衾枕昧節候褻  
開暫窺臨傾耳聆波瀾舉目眺漚嶽初景革緒風新陽改故  
陰池塘在春草園柳變鳴禽祁祁傷函歌萋萋感楚吟索居  
易永久離群難處心持操豈獨古無悶徵在今

遊赤石進帆海

首夏猶清和芳草亦未歇水宿淹晨暮陰霞屢興沒周覽倦  
瀛壖况乃凌窮髮川后時安流天吳靜不發揚帆采石華掛  
席拾海月溟漲無端倪虛舟有超越仲連輕齊組子牟眷魏  
闕矜名道不足適已物可忽請附任公言終然謝天伐

於南山往北山經湖中瞻眺

朝旦發陽崖景落憩陰峰舍舟眺迴渚停策倚茂松側逕既  
窈窕環洲亦玲瓏俛視喬木杪仰聆大壑淙石橫水分流林  
密溪絕蹤解作竟何感升長皆丰容初篁苞綠籜新蒲含紫  
茸海鷗戲春岸天雞弄和風撫化心無厭覽物眷彌重不惜  
去人遠但恨莫與同孤遊非情歎賞廢理誰通

石壁精舍還湖中作

昏旦變氣候山水含清暉清暉能娛人遊子澹忘歸出谷日  
尚早入舟陽已微林暝斂暝色雲霞收夕霏芰荷迭映蔚蒲  
稗相因依披拂趨南徑愉悅偃東扉慮淡物自輕意愜理無  
違寄言攝生客試用此道推

登石門最高頂

晨策尋絕壁夕息在山棲疏峰抗高館對嶺臨迴溪長林羅  
戶穴積石擁基階連巖覺路塞密竹使徑迷來人忘新術去  
子惑故蹊活活夕流駛噉噉夜猿啼沉冥豈別理守道自不  
攜心契九秋幹日玩三春蕙居常以待終處順故安排惜無  
同懷客共登青雲梯

廬陵王墓下作

曉月發雲陽落日次朱方含樓送廣川灑淚眺連岡眷言懷

君子沉痛切中腸道消結憤懣運開申悲涼神期恒若存德音初不忘徂謝易永久松柏森已行延州協心許楚老惜蘭芳解劔竟何及撫墳徒自傷平生疑若人通蔽互相妨理感深情慟定非識所將脆促良可哀天枉特兼常一隨往化滅安用空名揚舉聲泣已瀝長歎不成章

登臨海嶠初發疆中作與惠連可見羊何共和之章

杪秋尋遠山山遠行不近與子別山阿含酸赴修疇中流決就判欲去情不忍顧望脰未脗汀曲舟已隱

隱汀絕望舟驚棹逾驚流欲抑一生歡并奔千里遊日落當

棲薄繫纜臨江樓豈惟夕情歛憶爾共淹留

淹留昔時歡復增今日歎茲情已分慮况乃協悲端秋泉鳴

北澗哀援響南巖戚戚新別心悽悽久念贊

指心攻別心旦發清溪陰瞑投剡中宿明登天姥出高高入雲霓還期那可尋倘遇浮丘公長絕子徽音

酬從弟惠連

分離別西川迴景歸東山別時悲已甚別後情更延傾想還

嘉音果枉濟江篇辛勤風波事欵曲洲渚言

永初三年七月十六日之郡初發都

述職期闌暑理掉變金素秋岸澄夕陰火晏團朝露辛苦誰

為情遊子值頽暮愛似莊念昔久敬曾存故如何懷土心持

此謝遠度李牧愧長袖邵克慚躡步良時不見遺醜狀不成

惡曰余亦支離依方早有慕生幸休明世親蒙英達顧空班

趙氏壁徒乖魏王瓠從來漸二紀始得傍歸路將窮山海迹

永絕賞心悟

富春渚

宵濟漁浦暈旦及富春郭定山緬雲霧赤亭無淹薄溯流觸  
驚急臨圻阻參錯亮之伯昏分險過呂梁怪洧至宜便習燕  
山貴止託平生協幽期淪躋困微弱久露干祿請如果遠遊  
諾宿心漸申寫萬事俱零落懷抱既昭曠外物徒龍蠖

入華子岡是麻源第三谷

南州實炎德桂樹凌寒山銅陵映碧澗石磴寫紅泉既在隱  
淪客亦栖肥遜賢險徑無測度天路非術阡遂登群峰首邈  
若升雲煙羽人絕髮鬚刀丘徒空筌圖牒復磨滅碑板誰聞  
傳莫辨百代後安知千載前且申獨往意乘月弄潺湲恒允  
俄頃用豈為古今然

南樓中望所遲客

杳杳日西頽漫漫長路迫登樓為誰思臨江遲來客與我別  
所期期在三五夕圓景早已滿佳人猶未適即事怨睽攜感  
物方悽感孟夏非長夜晦明如歲隔瑤華未堪折蘭若已屢  
摘路阻莫贈問云何慰離析搔首訪行人引領冀良覲

道路憶山中

采菱調易急江南歌不緩楚人心昔絕越客腸今斷斷絕雖  
殊念俱為歸慮歎存鄉爾思積憶山我憤懣追尋栖息時偃  
卧任縱誕得性非外求自巳為誰纂不怨秋夕長恒苦夏日  
短濯流激浮湍息陰倚密篁懷故區晉新歡含悲忘春暝暖  
懷之明月吹惻之廣陵散殷勤訴危柱慷慨命促管

擬鄴中集詩八首

魏太子



百川赴巨海衆星環北辰照灼爛霄漢遙裔起長津天地中  
橫潰家王極生民區宇既滌蕩群英必來臻忝此欽賢性由  
來常懷仁况值衆君子傾心隆日新論物靡浮說析理實敷  
陳羅縷豈闕辭窈窕究天人澄觴滿金罍連榻設華茵急絃  
動飛聽清歌拂梁塵何言相遇易此歡信可珍

王粲

幽厲昔崩亂桓靈今板蕩伊洛既燎煙函嶠沒無像整裝辭  
秦川秣馬赴楚壤沮漳自可美客心非外將太常歎詩人言式  
微何由往上宰奉皇靈侯伯咸宗長雲騎亂漢南宛郢皆掃  
盪排霧屬盛明披雲對清朗慶泰欲重豐公子特先賞不謂息  
肩願一旦值明兩並載遊鄴京方舟汎河廣綢繆清讌娛寂  
寥梁棟響既作長夜飲豈顧乘日養

陳琳

皇漢逢屯遭天下遭氛慝董氏淪關西袁家擁河北單民易  
周章窘身就羈勒豈意事乖已永懷戀故國相公實勤王信  
能定螫賊復覩東都輝重見漢朝則餘生幸已多矧迺值明  
德愛客不告疲飲讌遺景刻夜聽極星爛朝遊窮曠黑哀哇  
動梁埃急觴盪幽默且盡一日娛莫知古來惑

徐幹

伊昔家臨淄提攜弄齊瑟置酒飲膠東淹留憩高密此歡謂  
可終外物始難畢搖蕩箕濮情窮年追憂慄未塗幸休明棲  
集建薄質已免負薪苦仍游椒蘭室清論事究萬美話信非  
一行觴奏悲歌永夜繫白日華屋非蓬居時髦豈余四中飲  
顧昔心悵焉若有失

劉禎

貧居晏里開少小長東平河充當衝要淪飄薄許京廣川無  
逆流招納廁群英北渡黎陽津南登紀郢城既覽古今事頗  
識治亂情歡友相解達敷奏究平生矧荷明哲顧知深覺命  
輕朝遊牛羊下暮坐括獨鳴終歲非一日傳卮弄新聲辰事  
既難諧歡願如今并唯羨肅肅翰續紛矣高冥

應瑒

敷敷雲中鴈舉翮自委羽求涼弱水涸違寒長沙渚顧我梁  
川時緩步集禎許一旦逢世難淪薄恒羈旅天下昔未定託  
身早得所官度廁一卒烏林預艱阻晚節值眾賢會同庇天  
宇列坐廢華榭金樽盈清醕始奏延露曲繼以闌夕語調笑  
亂酬答一誰無慙沮傾軀無遺慮在心一致

阮瑀

河洲多沙塵風悲黃雲起金羈相馳逐聯翩何窮已慶雲惠  
優渥微滓攀多士念昔渤海時南皮戲清泚今復何曲游鳴  
篋汎蘭汜躡步陵丹梯並坐侍君子妍談既愉心哀弄信睦  
耳傾酷滌芳醕酌言豈終始自從食萍菜唯見今日美

平原侯植

朝遊登鳳閣日暮集華沼傾柯引弱枝攀條摘蕙草徒倚窮  
騁望目極盡所討西顧太行山北眺邯鄲道平衢備且直白  
揚信裊副君命飲宴歡娛寫懷抱良遊匪晝夜豈云晚與  
早衆賓悉精妙清辭洒蘭藻哀音下迴鶻餘哇徹清吳中山  
不知醉飲德方覺飽願以黃髮期養生念將老

還舊園作見顏范二中書

辭滿豈多秩謝病不待年偶與張邴合久欲還東山聖靈昔  
迴眷微尚不及宣何意衝飈激烈火縱炎煙焚玉發崑峰餘  
燎遠見遷投沙埋既迫如叩顛亦愆長與歡愛別永絕平生  
緣浮舟千仞壑摠轡萬尋巔流沫不足險石林豈為艱閩中  
安可處日夜念歸旋事蹟兩如直心恆三避賢托身青雲上  
栖巖挹飛泉盛明盪氛昏貞休康屯遭殊方感成黛微物豫  
采甄感深操不固貧弱易扳纏曾是反昔園語往實欵然曩  
基即先築故池不更穿果木有舊行壤石無遠延雖非休諒  
地聊取永日閑衛生自有經息因謝所牽夫子照情素探懷  
授往篇

過始寧墅

東髮懷耿介逐物遂推遷違志似如昨二紀及茲年緇磷謝  
清曠疲茶紉慙貞堅拙疾相倚薄遠得靜者便剖竹守滄海  
枉帆過舊山之行窮登頓水涉盡迴沿巖峭嶺稠壘淵繁渚  
連絲白雲抱幽石綠篠媚清鏈葺宇臨迴江築觀基層巔揮  
手告鄉曲三載期歸旋且為樹枌擯毋令孤願言

七里瀨

鷄心積秋晨晨積展遊眺孤客傷逝湍徒旅苦奔峭石淺水  
潺湲日落山照耀荒林紛沃若哀禽相叫嘯遭物悼遷斥存  
斯得要妙既乘上皇心豈屑末代諄目覩嚴子瀨想屬任公  
釣誰謂古今殊異代可同調

登江中孤嶼

江南倦歷覽江北曠周旋懷雜道轉迫尋異景不延亂流趨  
正絕孤嶼媚中川雲日相輝映空水共澄鮮表靈物莫賞蘊

真誰為傳想像崑山姿  
緬邈區中緣始信安期術得盡養生年

初去郡

彭薛裁知耻貢公未遺榮  
或可優貞競豈足稱達生  
伊予秉微尚拙訥謝浮名  
廬園當栖嘏卑位代躬耕  
顧已雖自許心迹猶未并  
無庸妨周任有疾像長卿  
卑娶類尚子薄游似邴生  
恭承古人意促裝返柴荆  
牽絲及元興解龜在景平  
負心二十載於今廢將迎  
理掉逆還期遵渚鷺脩坳  
迥谿終水涉登嶺始山行  
野曠沙岸淨天高秋月明  
憩石挹飛泉攀林蹇落英  
戰勝臞者肥止監流歸停  
即是羲唐化獲我擊壤聲

初發石首城

白珪尚可磨斯言易為緇  
雖抱中孚爻猶勞貝錦詩  
寸心止不見微命察如絲  
日月垂光景成昏遂兼茲  
出宿薄涼巖巖長裝搏曾聽  
重經平生別再與用知辭  
故山日已遠風波豈時過  
、萬里帆茫、終何之游當羅  
浮行息必廬霍期越海陵  
三山游湘歷九疑欽聖若  
旦暮懷賢亦懷其皎、明發  
心不為歲寒欺

入彭蠡湖口作

客遊倦水宿風潮難具論  
洲島驟迴合圻岬屢崩奔  
乘月聽哀欬泥靈馥芳蓀  
春晚綠野秀巘高白雲屯  
千念集日夜萬感盈朝昏  
攀崖照石鏡牽葉入松門  
三江事多往九派埋空存  
靈物宏珍怪異人秘精魂  
金膏滅明光水碧綴流温  
徒作千里曲絃絕念彌敷

田南樹園

樵隱居在山由來事不同  
不同非一事養病在園中  
中園屏

氛雜清曠招遠風卜室倚北阜啓扉面南江激澗代汲并挿  
槿當列燭燭水既羅戶衆山亦對窓靡迤邐下田迢遞瞰高  
峰寡欲不期勞即是罕人功唯開蔣山逕永懷未羊緘賞心  
不可忘妙善異能同

石門新營

躋險築幽居披雲臥石門苔滑誰能步葛弱豈可捫娟娟秋  
風過凄凄春草繁美入遊不還佳期何由敷芳塵疑瑞席音  
醋滿金罇洞庭空波瀾桂枝徒攀翻結念屬霄漢孤景莫與  
護俯濯石下潭仰看條上猿早聞夕飈急晚見朝日曛崖傾  
光難留林深響易奔感往慮有復理來情無存庶持乘日  
得以慰營魂匪為衆人說真與智者論

齋中讀書

昔余遊京華未嘗廢立聲矧迺歸山川心跡双寂寞虛館絕  
詩訟空矣亦鳥雀臥疾豈暇豫翰墨時問作懷抱觀古今寢  
食展戲謔既笑沮溺苦又哂子雲閣執戟亦以疲耕稼豈云  
樂萬事難却報運生幸可託

谷靈運

謝宣遠名瞻陳郡人豫章太守

夕霽風氣涼雨房有餘清開軒滅華燭月露皓已盈獨夜無  
物役寢者亦云寧忽獲愁霖唱懷勞奏所誠歎彼行旅深  
茲眷言情伊余雖寡慰殷憂暫為輕率率酬嘉藻長揖愧吾生  
王撫軍度西陽集別

祇召旋北京守官反南服方舟析舊知對筵曠明牧舉鴈矜  
飲餞指途念出宿來晨無定端別畧有成速頽陽照通津夕  
陰暖平陸榜人理行艫輶軒命歸僕分守東城闐發擢西江

漢離會雖相親逝川豈往復誰謂情可書盡言非尺牘

九日後宋公戲馬臺集送孔令詩

風至投寒服霜降休百工繁林收陽彩密苑解華叢巢幕無  
留燕尊者有來鴻輕霞冠秋日迅商薄清宮聖心眷嘉節揚  
鑾戾行宮四筵霑芳醴中堂起絲相扶元迫西泥歡餘宴有  
窮逝矣將歸客養素克有終臨流怨莫從歡心歎飛蓬

於安城谷靈運

跬行安步武鍛翮周數仞豈不識高遠違方往有吝歲寒霜  
雪嚴過半路逾峻量已畏友朋勇退不敢進行矣勵令猷寫  
誠酬來訊

張子房詩

王風哀以思周道蕩無章卜洛易隆替興亂罔不亡力政吞  
九鼎苛慝暴三殤息肩纏民思靈鑒集朱光伊人感代工辛  
來扶興王婉婉幕中畫輝輝天業昌鴻門銷薄蝕垓下隕撓  
槍爵仇建蕭宰定都護儲皇肇允契幽叟翻飛指帝鄉惠心  
奮千祀清埃播無疆神武睦三正裁成被八荒明兩燭河陰  
慶霄薄汾陽盍旌歷頽寢飾像薦嘉嘗聖心豈徒甄惟德在  
無忘逝者如可作揆子慕周行濟濟屬車士粲粲翰墨場瞽  
夫違盛觀竦踊企一方四達雖平直蹇步愧無良食和忘微  
遠延首詠太康

擬古二首 劉休玄名鑠文帝第四子南平穆王

擬行行重行行

耿耿陵長道遙遙行遠之回車背京理揮手從此辭堂上流  
塵生庭中綠草滋寒蟄出翔水曲秋兔依山墓芳年有華月佳

人無還期日夕涼風起對酒長相思悲發江南調憂委子衿  
詩卧覺明燈晦坐見輕紈緇淚容不可飾幽鏡難復治願垂  
薄暮景照妾葉榆時

擬明月何皎皎

落宿半遙城浮雲鵲曾闕玉宇來清風羅帳延秋月結思想  
伊人沈憂懷明發誰為客行久屢見流芳歇河廣川無梁山  
高路難越

秋懷詩

謝惠連

平生無恚意少小嬰憂患如何乘苦心矧復值秋晏皎々天  
月明奕奕可宿懶蕭瑟合風蟬寒啾度雲鴈寒商動清閨孤  
燈暖幽慢耿介繁慮積長宵半夷險難預謀倚伏昧前  
軍誰好相久遠不同長卿慢頗傾鄭生懼

古人心且從性所翫賓至可命觴朋來當染翰高臺驟登踐  
清淺時陵亂頽魄不再圓傾義無兩旦金石終消毀丹青暫  
彫煥各勉玄髮歡無貽白首歎因歌遂成賦聊用布親串古

西陵遇風獻康樂

靡靡即長路戚戚抱遙悲遙但自弭路長當語誰行行道  
轉遠去去情彌遠昨發浦陽汭今宿浙江湄

七月七日夜詠牛女

落日隱欄楹升月照簾櫳團團滿葉露析析振條風蹠足循  
廣除瞬目灑曾穹雲漢有靈匹彌年闕相從逝川阻昵愛修  
渚曠清容弄杼不成藻管轡驚前蹤昔辭秋已雨今聚夕無  
雙傾河易迴幹欸情難久悰沃若靈駕旋寂寥雲幄空留情  
顧華寢遙心逐奔龍沈吟為爾感清深意彌重

泛湖歸出樓中翫月  
日落泛澄瀛星羅游輕撓  
憇樹面曲汜臨流對迴潮  
輟策共駢筵並坐相招要  
哀鴻鳴沙渚悲援響山椒  
亭映江月劉之出谷颺斐  
氣幕岫滋露盈條近矚祛  
幽蘊遠視盪誼踞晤言  
不知罷從夕至清朝

擣衣

衡紀無淹度晷運倏如催  
白露滋園菊秋風落庭槐  
蕭蕭莎鷄羽列寒蟬啼  
夕陰結空幕宵月皓中閨  
美人戒裳服端飾相招攜  
簪玉出北方鳴金步南階  
欄高砧響發楹長杵聲哀  
微芳起兩袖輕汗涿雙題  
紈素既已成君子行未歸  
裁用笥四中刀縫為萬里  
衣盈篋自余手幽絨候君  
開腰帶唯疇昔不知今

夏夜呈從兄散騎車長沙

顏延年

炎夫方埃鬱暑晏闕塵紛  
獨靜闕偶坐臨堂對星分  
側聽風薄木遙睇月開雲  
夜蟬當夏急陰蟲先秋聞  
歲候初過半荃蕙豈久芬  
屏居惻物變慕類抱情殷  
九迹非空思七襄無成文

車駕幸京口三月三日侍遊曲阿後湖作

虞風載帝狩夏諺頌王遊  
春方動宸駕望幸傾五州  
山祗蹕嶠路水若警滄流  
神御出瑤軫天儀降藻舟  
萬軸胤行衛千翼泛飛浮  
彫雲麗璇蓋祥飈被綵旂  
江南進荆豔河激獻趙謳  
金練照海浦笳鼓震冥洲  
藐眴觀青崖衍漾觀綠疇  
民靈騫都野鱗翰聳淵丘  
德禮既普洽川岳徧懷柔

秋胡詩九首下

倚梧傾高鳳寒谷待鳴律  
影響豈不懷自遠每相匹  
婉彼幽



閑女作嬪君子室峻節貫秋霜明豔侔朝日嘉運既我從欣  
願自此畢

燕居未及好良人顧有違脫巾千里外結綬登王畿戒徒在  
昧旦左右來相依驅車出郊郭行路正威遲存為久別離沒  
為長不歸

嗟予怨行役三陟窮晨暮嚴駕越風寒解鞍犯霜露原隰多  
悲涼迴颯卷高樹離獸起荒蹊驚鳥縱橫去悲哉遊宦子勞  
此山川路

超遙行人遠宛轉年運徂良時為此別日月方向除孰知寒  
暑積僂俛見榮枯歲暮臨空房涼風起座隅寢興日已寒白  
露生庭蕪

勤役從歸願反路遵山河昔辭秋未素今也歲載華每月觀

收棄野多經過佳人從所務窈窕援高柯傾城誰不顧邪  
節停中阿

年往誠思勞路遠闊音形雖云五載別相與昧平生捨車遵  
往路鳧藻馳目成南金豈不重聊自意所輕義心多苦調密  
比金石聲

高節難久淹竭來空復躒遲遲前途盡依依造門基上堂拜  
嘉慶入室問何之日暮行來歸物色棄榆時美人望昏至慙  
歎前相持

有懷誰能已聊用申苦艱離居殊年載一別阻河關春來無  
時豫秋至恒早寒明發動愁心閨中起長歎慘悽歲方晏日  
落遊子顏

高張生絕絃聲急由調起自昔枉光塵結言固終始如何久

為別百行愆諸已君子失明義誰與偕沒齒愧彼行露詩甘  
之長川記

還至梁城作

顏延年

眇默軌路長焦悴征戍勤昔邁先祖師今來後歸軍振策蹇  
東路傾側不及辭息徒憫將夕極望梁陳分故國多喬木空  
城凝寒雲丘壘填郭郭銘志滅無文木石扃幽闥黍苗延蒿  
墳惟彼雍門子吁嗟孟嘗君愚賤同堙滅尊貴誰獨聞曷為  
久遊客憂念坐自殷

五君詠五首

阮步兵

阮公雖淪跡識密鑿亦洞沉醉似埋照寓辭類託諷長嘯若  
長一越禮自驚眾物故不可論途窮能無慚

嵇中散

中散不偶世本自餐霞人形解驗默仙吐論知疑神立俗迂  
流議尋山洽隱淪寫翻有時鍛龍性誰能馴

劉參軍

劉伶善閉關懷情滅聞見鼓鍾不足懼榮色豈能眩韜精日  
沈飲誰知非荒宴頌酒雖短章深衷自此見

阮始平

仲容青雲器實會生民秀達音何用深識微在金奏郭弈已  
心醉山公非虛覲屢薦不入官一麾乃出守

向常侍

向秀甘淡薄深心託毫素探道好淵玄觀書鄙章句交呂既  
鴻軒攀嵇亦鳳舉流連河襄遊側愴山陽賦

始安郡還都與張湘州登巴陵城樓作

江漢分楚望衡巫莫南服三湘淪洞庭七澤臨荆牧經途延  
舊軌登闈訪川陸水國周地險河山信重複却倚雲夢林前  
瞻京臺園清氛霽岳陽曾暉薄瀾澳悽矣自遠風傷哉千里  
日萬古陳往還百代勞起伏存沒竟何人烟介在明淑請從  
上世人歸來藝桑竹

拜陵廟

周德恭明祀漢道尊光靈哀敬隆祖廟崇樹加園瑩逮事休  
命始投迹階王庭陪廟迴天極朝譙流聖情卓服身義重晚  
達生戒輕否來王澤竭泰往人悔形勅察齋積素復與昌運  
并恩合非漸清榮會在逢迎風御嚴清制禁城束紳  
朝西寢伏軾軼出東桐衣冠效冥漢陵邑起青松風遵路

急山烟昌壠生皇心憑容物民思被歌聲萬紀載絃吹千歲  
託旒旌未殊帝世遠已同倫化萌幼壯困孤介未暮謝幽貞  
發軌喪夷易歸軫慎崎傾

贈王太常

玉水託方流璇源載圓折蓄寶異希聲雖秘猶彰徽聆龍際  
九淵聞鳳窺丹穴歷聽豈多士唯談觀昔哲舒文廣國華敷  
言遠朝列德輝灼邦懋芳風被鄉耆側同幽人居郊扉常書  
閉龍林間昔晏開器迴長者轍庭昏見野陰山明望松雲  
靜惟浹羣化徂生入窮節豫往誠歡歇悲來非樂閔屬美謝  
繁翰遙懷具短札

直東宮答鄭尚書

皇居體環極設險祗天工兩闡阻通軌對禁限清風跂予旅

東館徒歌屬南壙寢興鬱無已起觀辰漢中流雲謁青闕皓  
月鑒丹宮踈野清防密徒倚恒漏窮君子吐芳訊感物惻余  
衷惜無丘園秀景行彼高松知言有誠貫美價難克充何以  
銘嘉貺言樹絲與桐

和謝監靈運

弱植慕端操窘蹙步懼先迷寡立非擇方刻意藉窮棲伊昔  
遘多幸秉筆侍兩闈雖慙丹臆施未謂玄素睽徒遭良時詖  
王道奄昏靈埋人神幽明絕朋好雲雨乖弔屈汀洲浦謁帝  
蒼山蹊倚巖聽緒風攀林結留美帝跋予閒衡嶠曷月瞻秦  
稽皇聖昭天德豐澤振沈泥惜無雀雉化何用充海淮去國  
還故里幽門樹蓬藜采茨葺昔宇前翦棘開舊畦物謝時既宴  
年往志不偕親仁敷情昵興玩究辭懷芬馥歌蘭若清越奪

琳珪盡言非報章聊用布所懷

北使洛

改服飾徒旅首路踟險艱振楫發吳洲秣馬陵楚山塗出梁  
宋郊道由周鄭閒前登陽城路日夕望三川在昔輟期運經  
始闢聖賢伊澱絕津濟臺館無尺椽宮陛多巢穴城闕生雲  
煙王猷升八表嗟行方暮年陰風振涼野飛雲矚茂窮天臨  
塗未及引置酒慘無言隱憫徒御悲威遲良馬煩遊役去芳  
岑歸來屢徂望逢心既已矣飛薄殊亦然

樂遊應詔詩

范蔚宗名曄順陽人太子詹事

崇盛歸朝闕虛寂在川岑山梁協孔性黃屋非堯心軒駕時  
未肅文囿降照臨流雲起行蓋晨風引鑿音原薄信平蔚臺  
澗備曾深蘭池清夏氣脩悵含秋陰導渚攀蒙密隨山上嶠

欽睇自有極覽游情無近尋聞道雖已積年力互頽侵採已  
謝丹黻感事懷長林

和琅邪王依古詩 王僧達琅琊人中書令

少年好馳俠旅宦遊關源既踐終古跡聊訊興亡言隆周為  
數澤皇漢成山樊久沒離宮地安識壽陵園仲秋邊風起孤  
蓬卷霜根白日無精景黃沙千里昏顯軌莫殊轍幽塗豈異  
魂聖賢良已矣抱命復何怨

荅顏延年

長卿冠華陽仲連擅海陰珪璋既文府精理亦道心君子得  
高駕塵軌實為林崇情符遠迹清氣溢素襟結游略年義篤  
顧棄浮沉寒榮共偃暴春醞時獻斟聿來歲序暄輕雲出東  
岑麥隴多秀色楊園流好音歡此乘日暇忽忘逝景侵幽哀

何用慰翰墨久謠吟棲鳳難為條淑貺非所臨誦以永周旋  
匣以代蕪金

效古

袁陽源

名淋陳郡陽夏人太子左衛率

訊此倦遊士本家自遼東昔隸李將軍十載事西戎結車高  
闕下極望見雲中四面各千里從橫起嚴風寒燠豈如節霜  
雨多異同夕寐北河陰夢還甘泉宮勤役未云已壯年徒為  
空乃知古時人所以悲轉蓬

效曹子建白馬篇

劔騎何翩翩長安五陵間秦地天下樞八方湊才賢荆魏多  
壯士宛洛富少年意氣深自許肯事郡邑權藉關外來車  
徒傾國劉五侯競書幣群公亟為言義分明於霜信行直如  
弦交歡池陽下留宴汾陰西一朝許人諾何能坐相捐影節

去函谷投珮出甘泉嗟此務遠圖心為四海懸但營身意遂  
豈校耳目前俠烈良有聞古來共知然

詠史

鮑明遠

五都矜財雄三川養聲利百金不市死明經有高位京城十  
二衢飛甍各鱗次仕子影華纓遊客竦輕轡明星晨未稀軒  
蓋已雲至賓御紛颯沓鞍馬光照地寒暑在一時繁華及春  
媚君平獨寂寞身世兩相棄

還都道中作

昨夜宿南陵今日入蘆洲客行惜日月崩波不可留侵星赴  
早路畢景逐前儔鱗鱗夕雲起獵獵晚風逾騰沙鬱黃霧翻  
浪揚白鷗登艫眺淮甸掩泣望荆流絕目盡平原時見遠煙  
浮倏悲坐還合俄思甚蕪秋未嘗違戶庭安能千里游誰令

之古節貽此越鄉憂

擬古二首

幽并重騎射少年好馳逐氈帶佩雙鞬象弧插彫服獸肥春  
草短飛鞚越平陸朝遊鴈門上暮還樓煩宿石梁有餘勁驚  
任無全目漢虜方未和邊城屢翻覆留我白羽將以分虎竹  
曾客事楚王懷金襲丹素既荷主人恩又蒙令尹顧日晏罷  
朝歸鞍馬塞衢路宗黨生光華宮僕遠傾慕富貴人所欲道  
得亦何懼南國有儒生迷方獨淪誤伐木清江湄設口守麋兔

學劉公幹體

胡風吹朔雪千里度龍山集君珠臺上飛舞兩楹前茲晨自  
為美當避艷陽天艷陽苑李節皎潔不成妍

代君子有所思

西出登雀臺東下望雲闕層閣蕭天居馳道直如髮繡甍結  
飛霞璇題納行月築山擬蓬壺穿池類溟渤選色遍齊代徵  
聲市邛越陳鍾陪夕燕笙歌待明發年貌不可還身意會盈  
歇蟻壤漏山河絲淚毀金骨器惡含滿歆物忌厚生沒智哉  
衆多士服理辨昭昧

行樂至城東橋

雞鳴關吏起伐鼓早通晨嚴車<sub>吟</sub>迴陌延瞰歷城闈蔓草綠  
高隅脩楊夾廣津迅風首旦發<sub>五</sub>路塞飛塵擾<sub>三</sub>遊宦子營  
營市井人懷金近後利撫劔遠<sub>四</sub>親爭先萬里途各事百年  
身開芳及稚節含采吝<sub>五</sub>永照灼孤賤長隱淪榮華  
坐消歇端為誰苦辛

數詩

一身仕關西家族滿山東二年後<sub>八</sub>車駕齋祭甘泉宮三朝國  
慶畢沐浴還舊邦四牡曜長路<sub>九</sub>蓋若飛鴻五侯相餞送高  
會集新豐六樂陳廣坐組帳揚<sub>十</sub>風七盤起長袖庭下列歌  
鐘八珍盈彫俎綺肴紛錯重九<sub>十一</sub>共瞻遲賓友仰徽容十載  
學無就善宦一朝通

翫月城西門廨中

始出西南樓纖<sub>一</sub>如玉鉤末映<sub>二</sub>北墀娟似娥眉娥眉蔽  
珠櫳玉鉤隔瑣窻三五二八時<sub>三</sub>千里與君同夜移衡漢落徘徊  
迴帷<sub>四</sub>中歸華先委露別葉早<sub>五</sub>風客游厭苦辛仕子捲飄  
塵休澣自公日宴慰及私<sub>六</sub>辰蜀琴抽白雪郢曲發陽春<sub>七</sub>有乾  
酒未缺金臺啓夕淪迴軒駐輕<sub>八</sub>留酌待情人

雜詩一首

王景玄名徽吏部郎中

思婦臨高臺長想憑華軒弄絃不成曲哀歌送苦言箕箒留  
江介良人處鴈門詎憶無衣苦伯知狐白温日暗牛羊下野  
雀滿空園孟冬寒風起東壁正中昏朱火獨照人抱景自愁  
怨誰知心曲亂所思不可論

齊

奉荅內兄希對五首

陸

韓卿名厥吳人行軍參軍

嘉惠承帝子躡履奉王孫舊叨余馬署又點銅龍門出入平

津邸一見子孟嘗尊歸來翳葉柘朝夕異凉温

殂落固云是寂蕤蕤終始斯杜門清三徑坐檻臨曲池鳧鵠

嘯傳侶荷芰始參差雖無田之垂垂及爾汎漣漪

春華與秋實庶子及家臣王門所以貴自古多俊民離宮收

杞梓華屋富徐陳平旦上林苑苑口入伊水濱

書記既翻賦歌能妙絕相如愈温麗子雲慙筆札駿足思

長阪柴車畏危轍愧茲山陽謙空此河陽別

平原十日飲中散千里遊渤海方滯滯宜城誰獻酬屏居南

山下臨此歲方秋惜哉時不與日暮無輕舟

同謝諮議銅雀臺詩

謝玄暉

總幃飄井幹樽酒若平生鬱鬱西陵樹詎聞歌吹聲芳襟染  
淚迹嬋媛空復情玉座猶寂寞况乃妾身輕

酬王晉安

稍稍枝早勁塗塗露晚晞南中榮橘柚寧知鴻鴈飛拂霧朝  
青閣日旰坐彤闈悵望途阻參差百慮依春草秋更綠公  
子未西歸誰能久京洛緇塵染素衣

郡內高齋閑坐荅呂法曹



結構何迢迢曠望極高深窓中列遠岫庭際俯喬林日出衆  
鳥散山暝孤猿吟已有池上酌復此風中琴非君羨無度孰  
為勞寸心惠而能好我問以瑤華音若遺金門步見就玉山岑

游東田

感之若無踪攜手共行樂尋雲步累榭隨山望園閣遠樹暖  
仟仟生煙紛道魚戲新荷動鳥散餘花落不對芳春酒還  
望青山郭

觀朝雨

朔風吹飛雨蕭條江上來既灑百常觀復集九成臺空濛如  
薄霧散漫似輕埃平明振衣坐重門猶未開耳目暫無擾懷  
古信悠哉戢翼希驤首乘流畏曝鯁動息無兼遂歧路多徘徊  
方同戰勝者去翦北山來

之宣城出林浦向版橋

江路西南永歸流東北驚天際識歸舟雲中辨江樹旅思倦  
搖搖孤遊昔已屢既懽懷祿情復協滄洲趣囂塵自茲隔賞  
心於此遇雖無玄豹姿終隱南山霧

晚登三山還望京縣

灞埃望長安河陽視京縣白日麗飛甍參差皆可見餘霞散  
成綺澄江靜如練喧鳥覆春洲雜英滿芳甸去矣方滯淫懷  
哉罷懽宴佳期悵何許淚下如流霰有情知望鄉誰能鬢顏  
不變

直中書省

紫殿肅陰陰彤庭赫弘敞風動萬年枝日華承露掌玲瓏結  
綺錢深沉映朱網紅藥當階翻蒼苔依砌上茲言翔鳳池鳴

珮多清響信美非吾室中園思偃仰朋情以鬱陶春物方駘  
蕩安得凌風翰聊恣山泉賞

在郡卧病呈沈尚書

淮陽股肱守高卧猶在茲况復南山曲何異幽棲時連陰盛  
農節臺筮聚東菑高閣常晝掩荒階少諍辭玆簞清夏室輕  
扇動涼颺嘉魴聊可薦綠蟻方獨持夏李沉朱實秋鶉折  
絲良辰在何許夙昔夢佳期坐嘯徒可積為邦歲已暮  
終莫取撫枕令自嗤

暫使下都夜發新林至京邑贈西府同寮

大江流日夜客心悲未央徒念關山近終知返路長秋河曙  
耿耿寒渚夜蒼蒼引領見京室宮雉正相望金波麗鳩玉  
繩低建章驅車鼎門外思見昭丘陽馳輝不可接何况隔雨

鄉風雲有鳥路江漢限無梁常恐鷹隼擊時菊委嚴霜寄言  
對羅若蒙處已高翔

新亭渚別范零陵

洞庭張樂地瀟湘帝子游雲去蒼梧野水還江漢流停驂我  
悵望輟棹子夷猶廣平聽方籍茂陵將見求心事俱已矣江  
上徒離憂

敬亭山

茲山亘百里合沓與雲齊隱淪既已託靈異居峽棲上千蔽  
白日下屬帶迴谿交藤荒且蔓樛枝聳復低獨鶴方朝唳  
鷓鴣此夜啼滌雲已漫多雨亦凄我行雖紆組兼得尋幽  
蹊緣源殊未極歸徑皆如迷要欲追竒趣却此陵丹梯皇恩  
竟已矣茲理庶無睽

休沐重還道中

薄游第從告思閑願罷歸還叩歌賦似休汝車騎非瀟池不  
可別伊川難重違汀葭稍靡下江菘馳復依下田鶴遠相叫  
沙鴛忽爭飛雲端楚山見林表吳岫微試與征徒望鄉淚盡  
霑衣賴此盈樽酌含景望芳菲問我勞何事霑沐仰清微志  
狹輕軒冕恩甚戀重闈歲華春有酒初服便列扉

和伏武昌登孫權故城

炎靈遺劔壘當塗駭龍戰聖期缺中壤霸功興寓縣鵲起登  
吳山鳳翔陵楚甸衿帶窮巖險惟奕盡謀選北拒瀕驂鑣西  
龕收組練江海既無波俯仰流英盼表冕類裡郊卜揆崇離  
殿鈞臺臨講閱樊山開廣讌文物共歲蕤聲明且葱蒨三光  
賦分景書軌欲同薦參差世紀忽寂寞市朝變舞館識餘基

歌梁想遠轉故林衰木平荒池秋草徧維岳悵若茲茂宰深  
遐睠幽客滯江臯從賞垂纓并清卮阻獻酬良書限聞見幸  
籍芳音多承風采餘絢于役儻有期鄂渚同游衍

和徐都曹

宛洛佳遨游春色滿皇州結軫青郊路迴瞰蒼江流日華川  
上動風光草際浮桃李成蹊徑乘榆陰道周東都已俶載言  
歸望綠疇

始出尚書省

惟昔逢休明十載朝雲陛既通金閨籍復酌瓊筵醴宸景厭  
照臨昏風淪繼體紛虹亂朝日濁河穢清濟防口猶寬政餐  
荼更如薺英袞暢人謀文明因天啓青精翼紫軼大黃旗映  
朱邱還覩司隸章復見東都禮中區成已泰輕生諒昭洒洗

趨事辭宮闕載筆陪旌檠邑里向跡蕪寒流自清泚衰柳尚  
沉々疑露方泥々零落悲友朋歡虞謙兄弟既秉丹石心寧  
流素絲涕乘此終蕭散垂竿深澗底

郡內登望

借問下車日匪直望舒圓寒城一以眺平楚正蒼巖山積陵  
陽阻溪流春穀泉威紆距遙甸嶠岳帶遠天切々陰風暮乘  
拓起寒煙悵望心已極情恍惚屢遷結髮倦為旅平生早事  
邊誰規鼎食盛寧要狐白鮮方弃汝南諾言稅遼東田

和王主簿怨情

掖苑聘絕國長門失歡宴相逢詠靡蕪辭寵悲班扇花叢亂  
數蝶風簾入雙燕徒使春帶賒坐惜紅裝變平生一顧重宿  
昔千金賤故人心尚爾故心人不見

和王著作八公山詩

二別阻漢坻直雙嶠望河澳茲頽復嶺屹分區奠淮服東限  
琅邪臺西距孟諸陸阡眠起雜樹檀藥蔭脩竹日隱澗疑空  
雲聚岫如複出沒眺樓雉遠近送春日戎州昔亂華素景淪  
伊穀沾危賴宗衮微管寄明牧長蛇固能翦奔鯨自此曝道  
峻芳塵流業遙年運倏平生仰令旨吁嗟命不淑浩蕩別親  
知連翩戒征軸再遠館娃宮雨去河陽谷風煙四時犯霜雨  
朝夜沐春秀良已凋煠場庶能築

贈張徐州謨

范彥龍

田家樵採去薄暮方來歸還聞稚子說有客款柴扉儻從賢  
珠玑裘馬悉輕肥軒蓋照墟落傳瑞生光輝疑是徐方牧既  
是復疑非思舊昔言有此道今已微物情棄疵賤何獨顧衡

聞恨不具鷄黍得與故人揮懷情徒草草淚下空霏寄書  
雲間鴈為我西北飛

古意贈王中書

攝官青瑣闥遙望鳳皇池誰云相去遠脉脉阻光儀岱山饒  
靈異沂水富英奇逸翻陵北海搏飛出南皮遭逢聖明后來  
棲桐樹枝竹花何莫莫桐葉何離離可棲復可食此外亦何  
為豈知鷦鷯者一粒有餘貲

劬古

寒沙四面平飛雪千里驚風斷陰山樹霧失交河城朝驅左  
賢陣夜薄休屠營昔事前軍幕今逐嫖姚兵失道刑既重遲  
留法未輕所賴今天子漢道日休明

望荆山

奉義至江漢始知楚塞長南關繞桐栢西岳出魯陽寒郊無  
留影秋日懸清光悲風撓重林雲霞肅川漲歲晏君如何零  
淚霑衣裳玉柱空掩露金樽坐含霜一聞苦寒矣再使豔歌傷

古離別

遠與君別者乃至鴈門關黃雲蔽千里游子何時還送君如  
昨日簷前露已團不惜蕙草晚所悲道田土寒君在天一涯妾  
身長別離願一見顏色不異瓊樹枝免絲汲水萍所寄終不移

李都尉後軍

樽酒送征人踟躕在親宴日暮浮雲滋堪等淚如霰悠悠清  
川水嘉紉得所薦而我在萬里結髮不相見袖中有短書願  
寄雙飛鷺

班婕妤好詠扇

紈扇如圓月出自機中素畫作秦王女乘鸞向煙霧采色世  
所重雖新不代故竊愁涼風至吹我玉階樹君子恩未畢靈  
落在中路

魏文帝遊宴

置酒坐飛閣逍遙臨華池神飈自遠至左右芙蓉披綠竹夾  
清水秋蘭被幽崖月出照園中冠珮相治隨客從南楚來為  
我吹參差淵魚猶伏浦聽者未云疲高文一何綺小儒安足  
為肅廣殿陰雀聲愁北林衆賓還城邑何以慰吾心

陳思王贈友

君王禮英賢不吝千金璧雙闕指馳道水宮羅第宅從容求  
井臺清池映華薄涼風盪芳氣碧樹先秋落朝與佳人期日夕  
望青閣褰裳採明珠徙倚拾蕙若眷我二三子辭義麗金鴨

延陵輕寶劍

劉文學感遇

蒼々山中桂團々霜露色霜者一何繁桂枝生自直橘柚在  
南國因君為羽翼謬蒙聖主私託身文墨職丹彩既已過敢  
不自彫飾華月照方池列坐金殿側微臣固受賜鴻恩良未測

王侍中懷德

伊昔值世亂秣馬辭帝京既傷蔓草別方知杖杜情嶠函復  
丘墟冀闕緬縱橫倚棹汎涇渭日暮山河清蟋蟀依桑野巖  
風吹枯莖鸛鷓在幽草客子淚已零去鄉二丁載幸遭天下  
平賢主降嘉賞金貂服玄纓侍宴出河曲飛蓋遊鄴城朝露  
竟幾何忽如水上萍君子篤惠義柯葉終不傾福履既所綏  
千載垂令名

嵇中散言志

曰余不師訓潛志去世塵遠想出宏域高步超常倫靈鳳振羽儀載景西海濱朝食琅玕實夕飲玉池津處順故無累養德乃入神曠哉宇宙惠雲羅更四陳哲人貴識義大雅明庇身莊生悟無為老氏守其真天下皆得一名實久相質咸池響爰居鍾鼓或愁辛柳惠善直道孫登庶知人寫懷良未遠感贈以書紳

阮步兵詠懷

青鳥海上遊鷺斯蒿下飛沈浮不相宜羽翼各有歸飄飄可終年沈瀆安是非朝雲乘變化光耀世所希精衛銜木石誰能測幽微

張司空離情

秋月映簾櫳懸光入丹墀佳人撫鳴琴清夜守空帷蘭溼少行迹玉臺生網絲庭樹發紅彩閨草含碧滋延竹整綾綺萬里贈所思願垂湛露惠信我皎日期

潘黃門述哀

青春速天機素秋馳白日美人歸重泉悽愴無終畢殞官已肅清松柏轉蕭瑟俯仰未能弔尋念非但一撫衿悼寂寞况然若有失明月入綺窓髮髯相心蕙質銷憂非萱草永懷寄夢寐夢寐復冥之何由覲爾形我慙北海術爾無帝女靈駕言出遠山徘徊泣松銘雨絕無還雲花落豈留英日月方代序寢興何時平

陸平原羈宦

儲后降嘉命恩紀被微身明發眷棄梓永歎懷密親流念辭

南澨迤銜怨別西津馳馬遵淮泗旦夕見梁陳服義追上列  
矯迹厠宮臣朱黻咸髦士長纓皆俊人契濶承華內綢繆踰  
歲年日暮聊揔駕逍遙觀洛川徂沒多拱木宿草陵寒煙遊  
子易感慨躑躅還自憐頭言寄三鳥離思非徒然

左記室詠史

韓公淪賣藥梅生隱市門百年信苴苒何用苦心魂當學衛  
霍將建功在河源珪組賢君眄青紫明主恩終君才始遠賈  
誼位方尊金張服貂冕許史乘華軒王侯賈片議公卿重一  
言太平多歡娛飛蓋東都門顧念張仲蔚蓬蒿滿中園

劉太尉傷亂

皇晉遘陽九天下橫氛霧秦趙值薄蝕幽并逢虎據伊余荷  
寵靈感激徇馳驚雖無六奇術冀與張韓遇甯戚扣角歌栢

公遭乃舉荀息冒險難實以忠貞故空令日月逝愧無古人  
度飲馬出城濠北望沙漠路千里何蕭條白日隱寒樹投袂  
既憤懣撫枕懷百慮功名惜未立玄髮已改素時哉苟有為  
治亂惟冥數

張廷尉雜述

太素既已分吹萬著形兆寂動苟有原因謂殤子天道喪涉  
千載津梁誰能了恩乘扶搖翰卓然陵風矯靜觀尺楯義理  
巨未嘗少囧。秋月明平軒詠堯老浪迹無虫妍然後君子  
道領畧歸一致南山有綺皓交臂久變化傳火乃薪草疊  
玄思清胸中去機巧物我俱忘懷可以狎鷗鳥

許徵君自序

張子閭內機單生蔽外像一時排冥筮冷然空中賞遣此



喪情資神任獨往采藥白雲隈聊以肆所養丹葩耀芳蕤綠  
竹陰閑敞茗寄意勝不覺陵虛上曲榭激鮮鱗石室有幽  
響去已後所欲得失非外獎至哉操斤客重明固已朗五難  
既灑落超迹絕塵網

殷東陽興囑

宸游任所萃悠悠蘊真趣雲天亦遼亮時與賞心遇青松挺  
秀萼意色出喬樹極眺清波深緬映石壁素瑩情無餘滓拂  
衣釋塵務求仁既自我玄風豈外慕直置忘所宰蕭散得遺慮

謝僕射遊覽

信矣勞物化憂衿未能整薄言遵郊衢揔轡出臺省淒涼節  
序高寥之心悟永時菊耀巖阿雲霞冠秋嶺眷然惜良辰徘徊  
迴踐落景卷舒雖萬緒動復歸有靜曾是迫桑榆歲暮從所

秉舟壑不可攀忘懷寄匠郢

張黃門苦雨

丹霞蔽陽景綠泉涌陰渚水鶴巢層蕘山雲潤柱礎有弁  
興春節愁霖貫秋序燮涼葉奪矣埃風舉高談玩四時  
索居慕儔侶青苔日夜黃芳蕤成宿楚歲暮百慮交無以慰  
延佇

郭弘農遊仙

崦山多靈草海濱饒竒石偃蹇尋青雲隱淪駐精魄道人讀  
丹經方士鍊玉液朱霞入窓牖曜靈照空隙傲睨摘木芝陵  
波采水碧眇然萬里遊矯掌望煙客永得安期術豈愁濛汜  
迫濛汜

王徵君養疾

竊謂瀟湘空翠澗澹無滋寂歷百草晦歎吸鷓鴣悲清陰往  
來遠月華散前墀鍊藥曠虛幌沈瑟卧遙帷水碧驗未黷金  
骨靈詎緇北渚有帝子蕩漾不可期悵然山中暮懷徇屬此詩

袁太尉後駕

宮廟禮哀敬粉邑道嚴玄恭潔由明祀肅駕在祈年詔徒登  
季月戒鳳藻行川雲旆象漢徒宸網擬星懸朱權麗寒渚金  
鉞無映秋山羽衛蕩流景綵吹震沈淵辨詩測京國履籍鑑  
都堙萌謠響玉律邑頌被丹絃文軫薄桂海聲教燭氷天和  
惠頒上笏恩渥浹下筵幸侍觀洛後豈慕巡河前服義方無  
沫展歌殊未宣

謝光祿郊遊

蕭飴出郊際徒樂逗江陰翠山方藹青浦正沈涼葉照

沙嶼秋榮冒水溽風散松架險雲鬱石道深靜默鏡絲野四  
睇乱曾岑氣清知鴈引露華識援音雲裝信解散煙駕可辭  
金始整丹泉術終覲紫芳心行光自容裔無使弱恩侵

鮑參軍戎行

豪士枉尺璧宵人重恩光徇義非為利執羈輕去鄉孟冬郊  
祀月殺氣起嚴霜戎馬粟不煖軍士氷為漿晨上城臯坂磧  
礫皆羊腸寒陰籠白日太谷晦蒼々息徒稅征駕倚劔臨八  
荒鷲鵬不能飛玄武伏川梁鍛剛由時至感物聊自傷豎儒  
守一經未足識行藏

休上人怨別

西北秋風至楚客心悠哉日暮碧雲合佳人殊未來露彩方  
泛豔月華始徘徊寶書為君掩瑤今詎能開相思巫山渚悵

望陽雲臺膏鑪絕沈燎綺席生浮埃桂水日千里因之平生懷

從冠軍建平王登廬山香鑪峯

廣成愛神鼎淮南好丹經此山具鸞鶴往來盡仙靈瑤草正  
翕絕玉樹信慈青絳氣下縈薄白雲上杳冥中坐瞰蜿蜒俛  
伏視流星不尋遐怪極則知耳目驚日落長沙渚曾陰萬里  
生藉蘭素多意臨風默含情方學松柏隱羞逐市井名幸承  
光誦末伏思託後於

梁

應詔樂遊苑餞呂僧珽

沈休文

丹浦非樂戰負重切君臨我皇秉至德忘已用堯心愍茲區  
宇內魚鳥失飛沈推轂二嶠道揚旆九河陰超乘蓋三屬選

士皆百金戎車出細柳餞席樽上林命師誅後服授律緩前  
禽函轡方解帶境武稍披襟伐罪芒山曲弔民伊水潯將陪  
告成禮待此未抽簪

別范安城

平生少年日分手易前期及爾同衰暮非復別離時勿言一  
樽酒明日難重持夢中不識路何以慰相思

宿東園

陳王鬪雞道安仁采樵路東郊豈異昔聊可閑余步野徑既  
盤紆荒阡亦交互槿籬疎復密荆扉新且故樹頂鳴風颺草  
根積霜露驚磨去不息征馬時相顧茅棟嘯愁鷗平岡走寒  
兔夕陰帶曾阜長煙引輕素飛光忽我道豈止歲云暮若蒙  
西山藥顏齒儻能度

早發定山

夙齡愛遠壑，澗洑見奇山。標峰綵虹外，置嶺白雲間。傾壁忽斜豎，絕頂復孤園。歸海流漫漫，出浦水濺濺。野棠開未落，山櫻發欲然。忘歸屬蘭杜，懷祿寄芳荃。眷言採三秀，徘徊望九仙。

鍾山詩應西陽王教

靈山紀地德，險峭資岳靈。終南表秦觀，少室邇王城。翠鳳翔淮海，衿帶繞神垵。北阜何其峻，林薄香葱青。發地多奇嶺，干雲非一狀。合沓共隱天，參差互相望。鬱律構丹巘，峻嶒起青嶂。勢隨九疑高，氣與三山壯。即事既多美，臨眺殊復奇。南瞻儲胥觀，西望昆明池。山中感可悅，賞逐四時移。春光發隴首，秋風生桂枝。多植息心侶，結架山之足。八解鳴澗流，四禪隱巖曲。窈窕終不見，蕭條無可欲。所願從之遊，寸心於此只。君

王挺逸趣羽旆臨崇基，白雲隨玉趾。青霞雜桂旗，淹留訪五藥。顧步佇三芝，於焉仰鑣駕。歲暮以為期。

冬節後至丞相第詣世子車中作

庶公失權勢，門館有虛盈。貴賤猶如此，况乃曲池平。高車塵未滅，珠履故餘聲。賓皆綠錢滿，客位紫苔生。誰當九原上，鬱鬱望佳城。

新安江水至清淺深見底貽京邑游好

眷言訪舟客，茲川信可珍。洞澈隨深淺，皎鏡無冬春。千仞寫喬樹，百丈見游鱗。滄浪有時濁，清濟涸無津。豈若棄斯去，俯映石磷々。紛吾隔躑躅，寧假濯衣巾。願以潺湲水，霑君纓上塵。

和謝宣城

王喬飛鳧鳥，東方金馬門。從宦非宦侶，避世非避喧。揆余發

皇鑒短翮屢飛翻晨趨游建禮晚沐卧郊園賓至下塵榻憂  
來命綠鑄昔賢伴時雨今守馥蘭蓀神交疲夢寐路遠隔思  
存牽拙謬東沈浮情及西岷顧循良菲薄何以儷瓊璫將隨  
渤澥去刷羽汎清源

應王中丞思遠詠月

月華臨靜夜夜靜滅氛埃方曙竟戶入圓影隙中來高樓切  
思婦西園游上才網軒映珠綴應門照綠苔洞房殊未曉清  
光信悠哉

學省愁卧

秋風吹廣陌蕭瑟入南闈愁人掩軒卧高窓時動扉虛館清  
陰滿神宇曖微々網蟲垂戶織夕鳥傍欄飛纓珮空為忝江  
海事多違山中有桂樹歲暮可言歸

詠湖中鴈

白水滿春塘旅鴈每迴翔唼所流牽弱藻歛翮帶餘霜群浮  
動輕浪單汎逐孤光懸飛竟不下亂起未成行刷羽同搖漾  
一舉還故鄉

三月三日率爾成篇

麗日厲元巳年芳具在斯開花已而樹流嚶復滿枝洛陽繁  
華子長安輕薄兒東出千金堰西臨鴈鷺陂遊絲映空轉高  
揚拂地垂綠幘文照耀紫燕光陸離清晨戲伊水薄暮宿蘭  
池象筵鳴寶瑟金瓶汎羽卮寧憶春蚕起日暮棄欲萎長袂  
屢以拂彫胡方自炊愛而不可見宿昔減容儀且當忘情去  
歎息獨何為

出郡傳舍哭范僕射

任彦昇名昉樂安人新安太守

平生禮數絕式瞻在國楨一朝萬化盡猶我故人情待時屬  
興運王佐俟民英結懽三十載生死一交情攜手遁衰孽接  
景事休明運阻衡言華時泰玉階平濬冲得茂彦夫子值狂  
生伊人有涇渭非余揚濁清將乖不忍別欲以遣離情不忍  
一辰意千齡萬恨生已矣平生事詠歌盈篋笥蕪復相朝譖  
常與虛舟值何時見范侯還叙平生意與子別幾辰經塗不  
盈旬弗覩朱顏改徒想平生人寧知安歌日非君撤瑟晨已  
矣余何歎輟春京國均

贈郭桐廬出谿口見候余既未至郭仍進村維舟久之郭生方至

朝發富春渚蓄意忍相思逐公行春返冠蓋益川坻望久方  
來萃悲歡不自持滄江路窮此湍險方自滋壘嶂易成響重

以夜猿悲客心幸自科中道遇心期親好自斯絕孤游從此辭

旦發漁浦潭 丘希範 名暹吳興人中書郎

漁潭霧未開赤亭風已颺擢歌發中流鳴鞞響沓障村童忽  
相聚野老時一望詭怪石異象斬絕峰殊狀森々荒樹齊折  
折寒沙漲藤垂島易陟崖傾嶮難傍信是永幽棲豈徒暫清  
曠坐嘯昔有交卧治今可尚

侍宴樂游苑送張徐州應詔詩

詰日閭闔開馳道聞鳳吹輕蕙承玉輦細草藉龍騎風遲山  
尚響兩息雲猶積巢空初鳥飛荇亂新魚戲寔惟北門重匪  
親孰為寄參差別念舉蕭穆恩波被小臣信多幸投生豈酬義

古意酬到長史漑登琅邪城 徐敬業 宋簡肅公勉之子

甘泉警烽候上谷抵樓蘭此江稱豁險茲山復鬱盤表裏窮

形勝襟帶盡巖巒脩篁壯下屬危樓峻上干登陴起遐望廻  
首見長安金溝朝灞澹雨道入鴛鴦鮮車騫華轂汗馬躍銀  
鞍少年負壯氣耿介立衝冠懷紀燕山石思開函谷九豈如  
霸上戲羞取路傍觀寄言封侯者數奇良可歎

詠霍將軍北伐詩

虞子陽

擁旌為漢將汗馬出長城長城地勢險萬里與雲平涼秋八  
九月虜騎入幽并飛狐白日晚瀚海愁雲生羽書時斷絕刁  
斗晝夜驚乘瀟揮寶劍蔽日引高旂雲屯七萃士魚麗六郡  
兵胡笳關下思羞笛隴頭鳴骨都先自龍言日逐次亡精玉門  
罷斥候甲第始脩營位登萬庾積功立百行成天長地自久入  
道有虧盈未窮激楚樂已見高臺傾當令麟閣上千載有雄名

文翰類選大成卷第二十二

